

二十一史纂

高辛氏 句芒氏 高少 有神 伏 越 有 策 氏 三 皇 盤 古

庫 文 閣 内			
元	二	三	漢
函	四	一	書
架	冊	號	類

女媧氏 共工氏 虫 无

陶唐氏 有虞氏 皋陶 契 稷 伯夷 后稷 十六族 四岳 三苗


許由 巢父 善卷 高 益 后羿 伯成子高 卞隨 成湯 伊尹 南 至紂凡廿八世

伊尹 萊朱 傅說 微子 箕子 比干 嚳 彭咸 先彭 伯夷 叔齊 高啓

内 閣 文 庫	
番 號	漢 2318
冊 數	42 (2)
函 號	290 119

武王 三十卷

史鈔六号共四十二



糊などで貼り付けられている部分がめくれない箇所あり
綴じ部(喉部分)の文字など開きが不鮮明な箇所あり

史書纂略卷之一

職方主事馬維銘纂

比部郎嗣男馬德澧校

盤古

荆川風土記謂十月十六日為盤古生辰或謂元始應世以一萬八千年為一甲子

盤古生於太荒莫知其始明天地之道達陰陽之變為三才首君於是混茫開矣

三皇



三皇之號昉於周禮外史掌三皇五帝之書而不指

其名其次則見於秦博士有天皇地皇人皇之議

混茫開三字含首百千代許多源流

是皇正派

同



有巢氏

有巢氏構木為巢教民巢居

燧人氏

燧人鑽燧別五木以改火教民烹飪以免腥膻之疾

伏羲氏

伏羲氏風姓蒼精之君也母華胥居於華胥之渚嘗
暨叔嬉翔於渚之汾巨跡出焉華胥決屨以跲之意
有所動虹且遶之因孕本木德建以王是稱太昊得
乎中央別而能全宿而有成因號伏羲自有庖而應

聖法句
法蒼甚
太史公
作曰
傳文法
祖此

世故又曰有庖氏都於宛丘畫八卦作琴瑟作陣法

炎帝神農氏

神農氏姓伊著名軒炎精之君也母安登感神於常

羊生神農於列山之石室生而九井出焉初少典氏

語奇

取於有侁氏是曰安登生子二人一為黃帝之先襲

少典氏一為神農是為炎帝炎帝長於姜水成為姜

姓其初國伊繼國著故氏伊著生三辰而能言五日

而能行七朝而齒具都陳遷曲阜初藝五穀制醫藥

作方書始為日中之市作太初曆作連山易作蜡祭

叙事老
且奇不
涉怪

黃帝有熊氏

黃帝姓公孫名茶一曰軒字曰玄律少典氏之子黃
精之君也母曰符葆感電繞斗軒而震二十有四月
而生帝於壽丘故名曰軒生而紫炁充房生而神靈
鬢而能言幼慧齊長敦敏知幽明之故少典氏沒後
軒嗣立為姬姓開國於熊罴蚩尤火災征蚩尤戰於
阪泉都於陳命隸首作數命伶倫造律使伶倫造磬
定氏族獲神策得寶鼎焉命大撓作甲子命容成作
調歷命榮後鑄十二鍾伶倫造聲命大容作咸池之

句法

樂作宮室作合宮作器用作兵器立容成為樂師作
軍樂凱歌造舟車制冕旒正衣裳始讎命史官以紀
圖籍作丹書瑞書戶牖金人等銘以自警命孔甲著
銘詩作內經定本草察脉息處方餌著陰符經命雨
陵氏教民蠶祀天地立五祀畫野分州帝四巡合符
於釜山鑄鼎荆山帝崩葬橋山

少昊青陽氏

少昊帝姓紀名摯其父曰清黃帝之第五子方僕氏
之生也胙土於清是為青陽元為紀姓配於顓氏曰

敬事
老態

居河之微逆星流槎奏便媚之樂樂而忘歸震而
生摯白帝子也襲青陽以處雲陽故號以青陽亦曰
雲陽氏又曰金天氏憲太昊而乘西行是稱少昊都
於少顛帝崩葬於雲陽

帝顓頊高陽氏

帝姬姓名曰顓頊黃帝之曾孫祖曰昌意黃帝之震
適也行劣不似遜於若水取蜀山氏曰景嫫生帝乾
荒是襲若水取蜀山氏曰樞是為河女所謂渚子也
渚子感搖光於幽防而生顓頊淵而有謀疏以知遠
年十五而佐少昊封於高陽都於商丘作科斗書備
八音帝崩葬頓丘

帝嚳高辛氏

帝姬姓曰嚳一曰達嚳之字曰在丘黃帝氏之子曰
玄枵之後也父橋極取陳豐氏曰東履大跡而傷生
嚳方嚳之生握哀莫覺生而神異自言其名遂以名
年十有五而佐高陽氏受封於辛為侯國高陽崩而
帝嚳立都於亳立四妃帝元妃有郇氏女曰姜嫄生
堯為舜后稷其後為周次妃有娥氏女曰簡狄生契

死而
多姿

備其

數語合

舜司徒其後為商三妃陳鋒氏女曰慶都生堯是
為陶唐氏四妃娶昔氏女曰常儀生華庶子曰伯翳
仲堪叔獻季仲伯虎仲熊叔豹季狸忠肅共懿宣慈
惠和天下之人謂之八元其不才曰竇沘閔伯帝生
三十而御天下六十有三載崩葬頓丘臺城陰野之
秋山所謂頓丘臺也

太昊炎帝黃帝少昊顓頊臣傳纂畧

太昊臣

女媧氏

女媧氏風姓一曰女希蛇身牛首宣髮太昊氏之女
弟出於承匡生而神靈少佐太昊禱於神祇而為女
婦正姓氏職昏姻通行媒以重萬民之判是曰神媒
時共工惟始作亂女媧氏役其神力以與共工氏較
滅共工氏而遷之治於中皇山之原所謂女媧山也
按外紀載共工與祝融戰不勝而怒頭觸不周山崩

有來歷

有是事
乎也謂
未必然
也

語可
知人疑

天柱折地維缺女媧煉五色石以補天斷鰲足以立
四極聚蘆灰以止滔水又按小司馬補史記以媧皇
繼伏羲後考之易曰伏羲氏沒神農氏作則女媧為
佐可知矣

共工氏

共工氏任智自神大昊氏沒傲亂天常竊保冀方在
華隴之間於女媧之都為近故共工決水灌之共工
氏有不才子以冬至日歿為厲畏赤豆故作赤豆粥
以禳之

炎帝臣

蚩尤

蚩尤妻姓炎帝之裔也兄弟八十人蚩尤好兵而喜
亂按外紀載黃帝與炎帝戰於阪泉遂屬榆罔路史
獨記蚩尤逐榆罔僭稱炎帝居阪泉則黃帝戰而擒
之實蚩尤也

黃帝臣

風后 力牧 常先 大鴻 太山 稽

黃帝閒居憂大風吹去天下塵垢又憂人執干鈞之

無中生
有

二十一

卷之五

五

皇龍帝
之居嘆
也就姓
氏生出
奇意妙
甚

弩驅羊萬羣帝籍嘆曰風為號令力政者也垢去土
而后在也千鈞之弩異力者也驅羊萬羣能牧民為
善也天下其有姓風名后姓力名牧者哉於是依二
占求之得風后於海隅進以為相得力牧於天澤進
以為將又按黃帝時作曆法二人實司之若常先大
鴻治民大山以察地利稽為司徒俱一時之良佐云

祝融氏

古有祝誦氏者一名祝融以火施化號赤帝都於會
故鄭為祝融之墟終葬衡山之陽是以謂祝融峯後
世火官因以為號月令云其帝炎帝其神祝融是也
黃帝時以庸光為祝融職司徒而正夏追顓頊又以
黎山為祝融云

曆處

蒼頡氏

蒼頡氏生而能書及受河圖綠字於是窮天地之變
仰觀奎星圓曲之勢俯察龜文鳥羽山川掌指而剏
文字而六體寓焉文字備天為雨粟鬼為夜哭龍乃
潛藏其上世蒼帝都於陽武今開封之祥符故浚儀
縣猶有蒼頡城學書者祀之亦諱丙日以介頡丙日

潛甚

也後有蒼氏史氏侯氏夷門氏倉頡氏外
紀載史皇氏與無懷氏相繼或以為蒼頡之祖

隱逸

廣成子

問得奇

答得東

黃帝立為天子十九年令行天下聞廣成子在於空
同之上故往見之曰我聞吾子達於至道敢問至道
之精吾欲取天地之精以佐五穀以養民人吾又欲
官天地以遂羣生為之奈何廣成子曰而所欲問者
物之質也而所欲官者物之殘也自而治天下雲氣
不待族而雨草木不待黃而落日月之光益以荒矣
而佞人之心翦翦者又奚足以語至道黃帝退捐天
下築特室席白茅間居三月後往再拜稽首而問曰
聞吾子達於至道敢問治身奈何而可以長久廣成
子蹙然而起曰善哉問乎來吾語汝至道至道之精
窈窈冥冥至道之極昏昏默默無視無聽抱神以靜
形將自正必靜必清無勞汝形無搖汝精乃可以長
生目無所見耳無所聞心無所知汝神將守形形乃
長生慎汝內閉汝外多知為敗我為汝遂於大明之

大手

二十一史集

卷一黃帝臣傳

八

歸是道
家言却
大有味

一語有
無窮趣

詩經
自奇

上矣至彼至陽之原也為汝入於窈窕之門矣至彼
至陰之原也天地有宮陰陽有藏慎守汝身物將自
壯我守其一以處其和故我脩身千二百歲矣吾形
未嘗衰黃帝再拜稽首曰廣成子之謂天矣

北門成

北門成問於黃帝曰帝張咸池之樂於洞庭之野吾
始聞之懼復聞之怠卒聞之而惑蕩蕩默默乃不自
得帝曰汝殆其然哉

少昊臣

鳳鳥氏曆正也鳳鳥知天時故以名曆正之官

玄鳥氏司分玄鳥燕也以春分來秋分去

伯趙氏司至伯趙伯勞也以夏至鳴冬至止

青鳥氏司啓青鳥鶡鶩也以立春鳴立夏止

丹鳥氏司閉丹鳥鷩雉也以立秋來立冬去入大水

而化蜃以上四鳥皆曆正之屬官

祝鳩氏司徒祝鷦鳩也鷦鳩春故為司徒主教民

雉鳩氏司馬雉鳩王鳩也執而有別故為司馬主法

制

鳴鳩氏司空。鳩鳩，鳩鵲也。鳩鳩，平均。故爲司空。平水
土。
爽鳩氏司寇。爽鳩，鷹也。鷹，鷲鳥。故爲司寇。主賊盜。
鵲鳩氏司事。鵲鳩，鵲也。春來冬去。故爲司事。
五鳩氏五鳩。鳩，民者也。鳩聚也。治民尚聚。故以鳩而
名之者也。
五雉爲五工。正雉有五種。故爲五工。正。
九扈氏爲九農。正扈，民無滯者也。扈有九種。以九扈
爲九農之號。各隨其宜。以教民事。

顯項臣

重 該 脩熙 黎 句龍

古有五行之官。是謂五官。實列受氏。姓封爲上公。祀
爲貴神。社稷五祀。是尊是奉。木官之長。號曰句芒。取
木句曲而有芒角也。少昊之子。重乃爲之主。春令治
東方。金官之長。號曰蓐收。取秋物。摧蓐而可收。少昊
子該爲之主。秋令治西方。水官之長。號曰玄冥。取水
陰而幽冥也。少昊子脩熙爲之主。冬令治北方。火官
之長。號曰祝融。取其明貌。帝子黎爲之主。夏令治南

看他語
法轉換
原有許
多姿態

方土官之長號曰后土取其為羣物主故稱后土也
共工氏子句龍為之主治中央按顓頊命南正重司
天北正黎司地則司天司地又重黎二人之兼官也

唐虞帝紀纂略

明職方主事馬維銘纂

比部郎嗣男德澧校

帝堯陶唐氏

帝堯者放勳帝嚳子帝摯之弟也母曰慶都孕十有
四月生堯於母家伊侯之國從徙者以祁為姓故曰
伊耆氏生十有三載以封殖佐帝摯始受封於陶又
二載改國於唐乃號陶唐氏又三載而受禪年一十
有八歲甲辰元載受帝禪都平陽命羲和治曆明時

句老

帝巡狩觀於華華封人祝曰嘻請祝聖人使聖人富

壽多男子帝曰辭多男子則多懼富則多事壽則多

辱封人曰天生萬民必授之職多男子而授之職何

懼之有富而使人分之何事之有天下有道與物皆

昌天下無道脩德就閒千歲厭世去而上僊乘彼白

雲至於帝鄉何辱之有帝治天下五十年不知天下

治與不治與億兆願戴已與不願戴已與問左右不

知問外朝不知問在野不知乃微服遊於康衢聞童

謠曰立我蒸民莫匪爾極不識不知順帝之則有老

人含哺鼓腹擊壤而歌曰日出而作日入而息鑿井

而飲耕田而食我何有乎帝力咨四岳以巽位得虞

舜嬪二女於有虞賓四門納於大麓殛鯀於羽山命

禹治水益掌火棄教播種契敷五教皋陶明刑命舜

攝位舜攝帝位察璣衡齊七政巡守方岳制象刑流

共工于幽州放驩于崇山竄三苗于三危作大章

樂禹告成功分州封山濬川帝殂落舜避丹朱於南

河之南

帝舜有虞氏

言直可
為萬世
格論
善狀至
治景象

二十一史集解 卷一 禹夏商周紀

虞舜者名曰重華重華父曰瞽叟瞽叟父曰橋牛橋牛父曰句望句望父曰敬康敬康父曰窮殫窮殫父曰帝顓頊顓頊父曰昌意以至舜七世矣自窮殫以至帝舜皆微爲庶人舜父瞽叟盲而舜母死瞽叟更娶妻而生象象傲瞽叟愛後妻子常欲殺舜舜避逃及有小過則受罪順事父及後母與弟日以篤謹匪有懈舜冀州之人也初家於冀瞽叟娶握登感大虹逸樞星之瑞生舜於姚墟故號姚自黃帝至舜禹皆同姓而異其國號以章明德故黃帝爲有熊帝顓頊爲高陽帝嚳爲高辛帝堯爲陶唐帝舜爲有虞禹爲夏后而別氏姓姁氏契爲商姓子氏棄爲周姓姬氏丙戌元載舜踐帝位詢四岳咨十二牧禹以司空總命伯揆命垂爲共工命益爲虞命伯夷爲秩宗夔典樂命龍爲納言申考績之法分比三苗禹臯陶陳謨置敢諫之鼓立誹謗之木造五弦琴歌南風之詩立上庠下庠作米廩劄韶樂成作大唐之歌作勅天之歌命禹總師命禹征有苗有苗來格帝陟方乃死葬河中紐市禹避商均於陽城

唐虞臣傳纂略

臯陶

臯陶初名咎繇本少昊之後繇生馬喙忠信䟽通虞
 帝求旂以為士師封之於臯是曰臯陶卒於臯所謂
 公琴者向法在今六安縣廣記即臯陶冢楚人謂之公琴
 有子三人長伯翳能馴鳥獸知其話言以服事虞夏
 始食於羸次仲甄事夏封六次封偃偃之後俱食於
 楚六至春秋魯文公五年為楚所滅滅文仲曰臯陶
 庭堅不祀蓋傷之也向法按文公五年秋楚仲歸滅六冬

有筆也
 公于炎滅蓼戒文仲曰臯陶庭堅不祀夫臯陶廼少
 昊之後四世而庭堅則高陽氏之子木臯陶之後而
 蓼則庭堅之後也杜預既誤以庭堅為臯陶字廼復
 以蓼為臯陶後偃姓失之矣

稷

后稷名棄帝嚳之元子也其母有郃氏女姜嫄為帝
 嚳元妃記載姜嫄出見巨人跡心忻然悅欲踐之而
 身動如孕者居期而生子為不祥棄之隘巷牛馬過
 者皆辟不踐徙置林中適會人伐木乃遷而棄之水

飛鳥以翼覆之姜源以為神遂收之初欲棄之因名
 曰棄棄為兒時屹如巨人之志其游戲好種麻菽及
 成人遂好耕農教發蓄糞土別五土之宜始為剛田
 民皆則之堯聞之舉為農師至舜時與益共陳謨於
 帝舜封棄於郃號曰后稷別姓姬氏詳載周本紀

契

契帝嚳之子也母曰簡狄有甥氏之女為帝嚳次妃
 記載三人浴於玄丘之水睇玄鳥墮其郊簡狄取吞
 之因孕生契契佐禹治水有功帝舜乃命契為司徒

教以人倫封於商賜姓子氏世事虞夏十有二世而
湯興遂伐桀而有天下

伯夷

伯夷姜姓炎帝之後舜咨四岳有能典朕三禮者僉
曰伯夷且佐禹有功於水爰封之呂今隸鄧圖經又
以新蔡爲古呂國蓋後來之呂近申在周呂亦曰甫
周初有呂望穆王時有甫侯皆伯夷秦嶽之裔也

后夔

后夔出高陽氏後舜在位命之典樂脩六招六引五
英以樂德教胄子創韶九變而帝道成鳳凰儀五帝
之樂莫盛於此作樂功成封夔於歸故今名后夔其
所封歸地卽今稱歸城東二十里故夔子城是也後
有憑氏卒并於楚

十六族

昔鄒屠氏有女履龜不踐高陽氏內之生子八人蒼
舒隤數耨演大臨麗降霆堅中容叔達齊聖廣淵明
允篤誠天下之民謂之八愷有姬氏生而髮與足齊
墮地能言及爲高辛氏妃夢八日而生八子伯奮仲

堪叔獻季仲伯虎仲熊叔豹季狸忠肅共懿宣慈惠
和天下之民謂之八元此十六族也世濟其美不殞
其名以至於堯堯不能用舜舉八愷八元

四凶

帝鴻氏有不才子掩義隱賊好行凶德醜顛惡物頑
囂不友是與比周天下之民謂之渾敦少昊氏有不
才子毀信廢忠崇飾惡言靖譖庸回服讒蒐慝以誣
盛德天下之民謂之窮奇顛頑比有不才子不可教
訓不知話言告之則頑舍之則囂傲狠明德以亂天

常天下之民謂之擣杙此三族也世濟其凶增其惡
名以至於堯堯不能去續雲比有不才子貪於飲食
冒於貨賄侵欲崇侈不可盈厭聚斂積實不知紀極
不分孤寡不恤窮匱天下之民以比三凶謂之饕餮
舜流四凶族渾敦窮奇擣杙饕餮投諸四裔以禦魘
魅

三苗

三苗習九黎之惡作五虐之刑舜放之於三危其後
苗民逆命禹振師臨之閔月苗民不服是時益贊禹

結

班師有苗格

隱逸

許由

許由字武仲陽城槐里人也隱於沛澤之中堯讓天下於許由許由不受而逃去齧缺遇許由曰子將奚之曰將逃堯由於是道耕於中岳潁水之陽箕山之堯又召為九州長由不欲聞之洗耳於潁水濱時其友巢父牽犢欲飲之見由洗耳問其故巢父曰子若處高岸深谷人道不通誰能見子子故浮游欲求聞其名譽汚吾犢口牽犢上流飲之許由没葬箕山之巔亦名許由山堯因就其墓號曰箕山公神以配食五岳

巢父

巢父者堯時隱人也年老以樹為巢寢其上故時人號曰巢父堯之讓許由也由以告巢父巢父曰汝何不隱汝形藏汝光若非吾友也擊其膺而下之由悵然不自得乃過清冷之水洗其耳拭其目曰聞貪言負吾之友矣遂去終身不相見

由名隱也父可謂知天

巢父之言真矣

善卷

善卷者古之賢士也。堯聞得道，乃北面事之。及堯受終之後，舜又親之，遂以天下讓。堯不受，去入深山，莫知其處。按今鄆城有單父城，卽善卷也。善卷墓在今辰州大酉山。

夏本紀纂略

明職方主事馬維銘纂

比部郎嗣男德澧校

夏

夏禹名曰文命。禹之父曰鯀，鯀之父曰帝顓頊。顓頊之父曰昌意，昌意之父曰黃帝。禹者黃帝之玄孫，而帝顓頊之孫也。禹之曾大父昌意及父鯀皆不得在帝位，爲人臣。鯀娶有莘氏之女曰志，是謂脩己。孕十有二月，生禹於棘道之石紐鄉。長於西羌，禹爲人敏。

給堯時父鯀殛死故降在匹庶舜舉之使續父業荒
度土功娶塗山氏之女舜既即位使宅百揆乃薦禹
於天遂即位丙子元歲禹踐位於韓以金德王仍以
寅月爲歲首改載曰歲始稱王國號夏作行曆禘黃
帝封丹朱於唐封商均之子於虞作賓王家立三妃
九嬪以爲內治立三公九卿百二十官會諸侯於塗
山作大夏樂行貢法立學校養老教民命益爲相已
郊四歲鑄九鼎庚辰五歲巡狩蒼梧癸未八歲巡大
越復會江南崩葬於會稽甲申元歲諸侯奉嗣子啓
踐天子位乙酉二歲伯益歸政就國丙戌三歲王討
有扈氏大戰於甘立五廟禘黃帝而郊鯀壬辰九歲
王崩子太康即位辛亥十有九歲王畋於洛表有窮
羿拒之於河五弟御母以從作五子之歌都於陽夏
辛酉一十有九歲王崩於陽夏弟仲康即位壬戌元
歲命胤侯掌六師征羲和甲戌十有三歲王崩子相
卽位乙亥元歲徙都商丘壬午八歲寒浞殺羿仍號
曰有窮壬寅二十有八歲寒浞弑王於帝丘王后緡
歸於有仍靡奔有鬲氏戊午十有六歲少康爲仍牧

正壬午四十歲靡誅寒浞少康卽位還都檟澆豷伏
誅癸郊六十有一歲王崩子秀存卽位甲辰元歲諸
侯來朝都於原庚申十有七歲王崩子槐卽位丙戌
二十有六歲王崩子芒卽位甲申十有八歲王崩子
泄卽位庚申十有六歲王崩子不降卽位己未五十
有九歲王崩弟局卽位庚辰二十有一歲王崩子厘
卽位辛丑二十有一歲王崩不降之子孔甲卽位甲
辰采鐵鑄劍賜劉累爲御龍氏戊辰商成湯生壬申
三十有一歲王崩子皐卽位癸未十有一歲王崩葬
於穀子癸卽位壬寅十有九歲王崩子履癸卽位是
爲桀乙亥三十有三歲伐蒙山有施氏有施氏進妹
喜於王王嬖之三十有五歲商主癸薨子履嗣湯始
居亳以商湯爲方伯賜之弓矢斧鉞得專征伐戊寅
三十有六歲湯始征葛癸巳五十有一歲太史令終
古奔商甲午五十有二歲殺關龍逢囚湯於夏臺己
未而釋之湯伐韋顧昆吾乙未五十有三歲湯誓師伐
桀放之於南巢

伯益字慎啟居而陽氏子族之三為唐澤虞號百蟲將軍及舜攝政廼命十二牧居官相事舜曰誰能馴予上下草木鳥獸皆曰益為虞官掌山澤益拜稽首讓於朱虎熊羆舜曰往哉汝諧遂以朱虎熊羆佐益主虞禹受舜禪舉益任政十年禹崩以天下授益益讓禹之子啓而居箕山之陽啓賢諸侯皆去益而朝啓初封於梁後南梁大敖梁之析也有梁氏敖氏伯

夏臣傳纂略

益

伯益字慎啟居而陽氏子族之三為唐澤虞號百蟲將軍及舜攝政廼命十二牧居官相事舜曰誰能馴予上下草木鳥獸皆曰益為虞官掌山澤益拜稽首讓於朱虎熊羆舜曰往哉汝諧遂以朱虎熊羆佐益主虞禹受舜禪舉益任政十年禹崩以天下授益益讓禹之子啓而居箕山之陽啓賢諸侯皆去益而朝啓初封於梁後南梁大敖梁之析也有梁氏敖氏伯

確實
質去子
辨本此

氏按世有以伯翳為卽伯益其謬甚矣伯翳者嬴姓
之祖也書傳嬴姓實出少昊非高陽後也史記秦之
先女脩顓頊之裔女而祖顓頊非也左傳剡國少昊
之後嬴姓蓋其族也則秦趙宜祖少昊氏

后羿

夷羿有窳之君也偃姓羿生五歲時父母與之入山
處之木下以待蟬鳴還欲取之而羣蟬俱鳴遂捐而
去羿為山間人所養年二十習弓矢仰天嘆曰我將
射四方豈楚有弧矢者生於楚之荆山生不見父母

慕逆之
志萌此

為兒時習用弓矢所射無脫羿從之學盡傳其道又
有吉甫者亦以善射著羿又學射於吉甫初唐堯時
有名羿者善射河伯溺殺人則射其左目風伯壞人
屋室則射中其膝又誅九嬰獬豸之屬夷羿慕其為
人因名曰羿羿嘗從吳賀北遊見雀焉賀命之射羿
曰生乎其殺之乎賀請左目羿中厥右耻之由是每
進妙中高出天下迨事夏王王命射於方彖之皮征
南之的曰中之予萬金不中則削十邑羿援矢而色
蕩射之矢逸再之又不中焉王謂傅彌仁曰斯羿也

有老

發無不中而今也不中何以對曰若羿者其懼之為災而萬金為之患也大康之立恣淫亡度娛以自縱畋有洛之表十旬不反夷羿於是因民弗忍兵於河以距之后爽之子伯封先有仍之女美而黝厥澤可監襲納之是為玄妻生伯封貪殘忿戾寔有豕心人謂封豕羿滅之子寒浞又以逢蒙為受教之臣浞乃烝取羿室八年將歸自畋逢蒙取柎梧殺之家眾烹之以食其子其子不忍食眾殺之於國門後有窮氏羿氏

味長

隱逸

伯成子高

堯治天下伯成子高立為諸侯堯授舜舜授禹伯成子高辭為諸侯而耕禹往見之敢問其故何也子高曰昔堯治天下不賞而民勸不怒而民畏今子賞罰而民且不仁德自此衰刑自此立後世之亂自此始矣夫子盍行耶無落吾事但但乎耕而不顧

味長句

卞隨 瞽光

卞隨齊尤二人皆古之隱者湯將伐桀因卞隨而謀

好氣與

堂堂止
正較勝
伊湯一
著

光言與
隨言一
律先儒
請隨光
三皇以
上人物
信哉

下隨曰非吾事也湯又因齊尤而謀齊尤曰非吾事也湯遂與伊尹謀伐桀克之以讓下隨下隨辭曰后之伐桀也謀乎我必以我為賊也勝桀而讓必以我為貪也吾生乎亂世而無道之人再來漫我以其辱行吾不忍數聞也乃自投桐水而死湯又讓齊尤曰知者謀之武者遂之仁者居之古之道也吾子胡不立乎齊尤辭曰廢上非義也殺民非仁也人犯其難我享其利非廉也吾聞之曰非其義者不受其祿無道之世不踐其土况尊我乎乃負石而自沉於廬水

商本紀纂略

明職方主事馬維銘纂

比部郎嗣男德澧校

商

商成湯之先名契帝皞之子也母簡狄有娥氏之女為帝皞次妃以玄鳥至之日祈於高媒而生契契佐禹治水有功封於商賜姓子氏契卒子昭明立昭明卒子相土立相土擴商業商頌云相土烈烈海外有截相土卒子昌若立昌若卒子曹圉立曹圉卒子冥

語味悠長

至仁至
言盡
不矣

立冥卒子振立振卒子微立微卒子報丁立報丁卒
 子報乙立報乙卒子報丙立報丙卒子主任立主任
 卒子主任立主任娶扶都氏女生天乙又名履是為
 成湯自契至湯凡八遷始居亳為夏方伯得專征伐
 初湯之為諸侯也出見人張網四面而祝之曰從天
 墜者從地出者從四方來者皆入吾網湯曰嘻盡之
 矣乃解其三面止置一面更祝曰欲左者左欲右者
 右欲高者高欲下者下不用命者乃入吾網漢南諸
 侯聞之曰湯德至矣乃及禽獸歸之者四十餘國既
 放桀三讓廼即天子位改正朔作誥誕告萬方封夏
 后氏之後以仲虺為左相伊尹為右相三十祀大旱
 桀死於亭山桀居南巢三年死其子淳維妻其衆妾
 遁於北野號葷育逮周曰儼狄漢書匈奴傳曰其先
 伯禹之苗裔二十有四祀大旱王禱桑林以六事自
 責曰政不節與民失職與官室崇與女謁盛與包苴
 行與讒夫昌與言未已大雨方數千里作大濩之樂
 作盤銘制官刑三十祀王崩以伊尹為太保奉嫡孫
 太甲嗣位戊申元祀十有二月乙丑伊尹奉嗣王祗

見厥祖作訓以訓王巳酉二祀王在桐宮庚戌三祀
 王克終允德冬十有二月朔伊尹奉王歸亳再作書
 以訓王伊尹告老以一德陳戒於王庚辰三十有三
 祀王崩廟號太宗子沃十卽位巳酉二十有九年王
 崩弟太庚卽位甲戌二十有五祀王崩子小甲卽位
 辛卯十有七祀王崩弟雍巳卽位癸卯十有二祀王
 崩弟太戊立以伊陟爲相脩湯政祥桑枯亥戊午七
 十有五祀王崩廟號中宗子仲十卽位甲子六祀亳
 都河決遷於囂辛未十有三祀王崩國內亂弟外壬
 卽位丙戌十有五祀王崩弟河亶甲卽位丁亥元祀

囂者河決遷於相乙未九祀王崩子祖乙卽位丙申
 元祀河北於耿以巫咸爲相甲寅十有九祀王崩子
 祖辛卽位庚午十有六祀王崩弟沃甲卽位乙未二
 十有五祀王崩祖辛之子祖丁卽位丁卯三十有二
 祀王崩國亂沃甲之子南庚立壬辰二十有五祀王
 崩國亂祖丁之子陽甲卽位巳亥七祀王崩弟盤庚
 立庚子元祀耿圯河水王將遷殷作誥以告臣民王
 遷殷將涉河復作誥王遷殷正位綏衆復作誥丁卯

二十有八祀王崩弟小辛立戊子二十有一祀王崩
弟小乙立甲寅二十有六祀幽王父遷於岐改國號
曰周丙辰二十有八祀王崩子武丁立丁巳元祀王
宅憂其盤爲相己未三祀王憂良弼審象旁求得之
傳巖之野立傅說爲相傳說進憲天之謨王資訓於
說說進爲學之謨彤日有雉雉祖己乃訓於王辛酉
六祀蠻夷重譯來朝者六國戊子三十有二祀伐鬼
方三年克之丁酉四十有一祀周王父生子季歷乙
卯五十有九祀王崩廟號高宗子祖庚卽位壬戌七
祀王崩弟祖甲立庚寅二十有八祀周王父生子昌
周古公亶父薨少子季歷嗣位乙未三十有三祀王
崩子康辛立辛丑六祀王崩弟庚丁立壬戌二十有
一祀王崩子武乙立癸亥元祀遷都於河北丁卯元
祀命周季歷伐燕京之戎己巳三祀王崩子帝乙立
丙子七祀周侯季歷薨世子昌立壬辰二十有三祀
周侯昌生子發甲午三十有七祀王崩子辛立是爲
紂帝乙三子長曰微子啓次曰仲衍次曰受受又名
辛卽紂也啓最賢而紂爲后子箕子勸帝乙立啓帝

物法者
多取國
家事謂
此段可
秘嘆

乙與后意亦在唐將立以為太子太史據法爭之曰
有妻之子不可立妾之子乃立紂丁未元祀為象箸
甲寅八祀伐有蘇氏得妲己作炮烙之刑丁巳十有
一祀醢九侯脯鄂侯囚周侯於羗里戊午十有二祀
周侯演易於羗里己未十有三祀釋周侯昌命為西
伯昌之臣散宜生閔天之徒求有莘氏之美女驪戎
之文馬有熊之九駟及奇怪之物因殷之嬖臣費昌
而獻之紂紂見美女而大悅曰此一物足以釋罪况
其多乎赦昌昌因請除炮烙之刑紂許之遂賜弓矢

豐今傳
賢初
色美
聚儀

斧鉞得專征伐為西伯治南國江漢汝潁之諸侯西
伯服昆夷庚申十有四祀虞書質成於周辛酉十有
五祀西伯伐犬戎乙丑十有九祀西伯伐崇作豐邑
西伯立靈臺西伯得呂尚丙寅二十祀西伯昌薨子
發嗣癸酉二十有七祀西伯發生子誦西伯納呂望
之女邑姜邑姜賢立未嘗倚坐未嘗偃怒未嘗厲是
年生子誦丁丑三十有一祀西伯戡黎祖伊奔告于
王戊寅三十有二祀微子去之箕子為之奴比干諫
而死己卯三十有三祀春西伯發會諸侯於孟津戊

午西伯次於河朔二月甲子西伯誓師牧野紂兵皆崩畔紂紂走反入登鹿臺衣其珠玉自燔於火而死封紂子武庚於殷使弟管叔鮮蔡叔度霍叔處監殷

商列傳

伊尹

伊尹名摯方牧之後生於空桑後居伊水故氏曰伊耕於有莘之野湯使往聘迎之五反然後肯出而從湯既乃去湯適夏去夏復歸於亳湯踐天子位尹為阿衡湯崩太子太丁未立而卒立太丁之子太甲作伊訓太甲不遵湯法不惠于阿衡尹乃放之桐宮復作太甲三篇太甲悔過尹遂復政作咸有一德至太甲子沃丁立八祀尹乃卒年百有餘歲至太戊時其

一評合
多少意
思

二十一史纂 卷一
子陟為相

萊朱

萊朱即仲虺一名仲隗又名仲囁柔仲之後也其先任姓黃帝之後仲虺居薛以為湯左相其後武王封仲虺之弟雍滑之後於薛

傳說

傳說者殷之傅巖人也傅巖在北海之洲虜號之界通道所經有澗水壞道常使胥靡刑人築護之說賢而隱居貧不能自給乃代胥靡築之以供食武丁即位思復興殷而未得其佐夜夢得聖人其名曰說以夢所見示羣臣百吏皆非也於是乃審厥象俾以形旁求於天下得說於傅巖惟肖見於武丁武丁曰是也與之語果聖人遂立以為相作說命三篇

所謂神
授矣語
尤奇絕

微子啓

微子名啓殷帝乙之首子而紂之庶兄也食采於微故曰微子紂既立淫亂於政微子數諫不聽遂去及周武王伐紂克殷封紂子武庚祿父以續殷祀使三叔監殷周公當國三叔脅武庚以叛周公承王命誅

武庚廼求微子而封之於宋以代殷後微子卒嫡子
早亡立其弟爲微仲禮曰微子舍其孫膺而立衍也

箕子

箕子名胥餘紂諸父食采於箕故曰箕子紂始爲象
箸箕子嘆曰彼爲象箸必爲玉杯紂又爲滂泆作炮
烙之刑箕子諫不聽乃解衣披髮佯狂而去之遂隱
而鼓琴以自悲故傳之曰箕子操及武王既克殷訪
問箕子箕子乃爲之陳洪範於是武王乃封箕子於
朝鮮而不臣也其後箕子朝周過故殷墟感宮咸
爲禾黍箕子傷之欲哭不可欲泣不可乃作麥秀之
詩以歌之

比干

王子比干者紂之親戚也見紂淫佚作炮烙之刑乃
陳先王艱難天命不易國家將亡之明徵請王洗心
易行伏於象魏之門紂大怒曰比干自謂聖人吾聞
聖人心有七竅信乎乃遂殺比干剗視其心武王伐
紂克殷乃封比干之墓

膠鬲

史稱仁
慈信三
字武王
足以當
之信哉

意奇

商之
其在周
必守

膠南殷之賢人也。遭殷末之亂，鬻販魚鹽，未王舉之於殷。末王沒，武王立，使叔旦就膠南於西內，而與之盟。武王伐殷，至鮪水，殷使膠南候周師。膠南曰：「以何日至？」曰：「將以甲子至。」殷郊膠南行天雨，日夜不休。武王疾行不輟，曰：「吾已令膠南以甲子之期報其主矣。」令甲子不至，是令膠南不信也。其主必殺之，吾疾行以救膠南之死也。武王入殷朝，問膠南殷之所以亡，膠南對曰：「王欲知之，則請以日中為期。」武王與周公旦明日早要期，則弗得也。武王恠之，周公曰：「此君子也，以其主之惡告王，不忍為也。若夫期而不當言而，不信此殷之所以亡也，以此告王矣。」四內地名

彭咸

彭咸殷賢大夫，諫其君不聽，自投水而死。故離騷云：願依彭咸之遺則。

老彭

老彭者，商賢大夫也。姓箴，名鏗，帝顓頊之孫陸終氏之仲子。陸終氏娶鬼方之女，孕而不育，十一年開左，右脇而出者六人。其三曰老彭，封於韓，大彭之墟，卽

彭城也。至殷之末世年已七百餘歲而不衰。故曰老彭云。以養神治生為事。

伯夷叔齊

伯夷名元字公信。叔齊名致字公達。姓墨胎氏。父名初夷。齊其謚也。大史公為作傳曰。夫學者載籍極博。猶考信於六藝。詩書雖缺。然虞夏之文可知也。堯將遜位。讓於虞舜。舜禹之間。岳牧咸薦。乃試之於位。典職數十年。功用既興。然後授政。示天下重器。王者大統。傳天下。若斯之難也。而說者曰。堯讓天下於許由。許由不受。耻之。逃隱。及夏之時。有卞隨務光者。此何以稱焉。

為天下得人難職此故

其言有其人語甚古老

疑于無其句查甚

卽下采微詩也

大史公曰。余登箕山。其上蓋有許由冢云。孔子序列古之仁聖賢人。如吳大伯。伯夷之倫。詳矣。余以所聞。由光義至高。其文辭不少。槩見何哉。孔子曰。伯夷叔齊不念舊惡。怨是用希。求仁得仁。又何怨乎。余悲伯夷之意。睹軼詩可異焉。其傳曰。伯夷叔齊孤竹君之二子也。父欲立叔齊。及父卒。叔齊讓伯夷。伯夷曰。父命也。遂逃去。叔齊亦不肯立而逃之。國人立其中子。

太公以義人許夷齊則伐紂非其本心亦自可見

於是伯夷叔齊聞西伯昌善養老盍往歸焉及至西伯卒武王載木主號爲文王東伐紂伯夷叔齊叩馬而諫曰父死不葬爰及于戈可謂孝乎以臣弑君可謂仁乎左右欲兵之太公曰此義人也扶而去之武王已平殷亂天下宗周而伯夷叔齊耻之義不食周粟隱於首陽山采薇而食之及餓且死作歌其辭曰登彼西山兮采其薇矣以暴易暴兮不知其非矣神農虞夏忽焉沒兮我安適歸矣嗚呼嗚呼命之衰矣遂餓死於首陽山句法由此觀之怨耶抑耶或曰天道無

奇婉

波瀾處奇人

太史公
伯夷
李陵
刑之意

親常與善人若伯夷叔齊可謂善人者非耶積仁潔行如此而餓死且七十子之徒仲尼獨薦顏淵爲好學然也屢空糟糠不厭而卒蚤夭天之報施善人其何如哉盜跖日殺不辜肝人之肉暴戾恣睢聚黨數千人橫行天下竟以壽終是遵何德哉此其尤大彰明較著者也若至近世操行不軌專犯忌諱而終身逸樂富厚累世不絕或擇地而蹈之時然後出言行不由徑非公正不發憤而遇禍災者不可勝數也今甚惑焉儻所謂天道是耶非耶子曰道不同不相

上設兩端開說此下又合說

引此終上文各從其類意

縱橫變化莫測其端

砥行二句是

為謀亦各從其志也故曰富貴如可求雖執鞭之士
吾亦為之如不可求從吾所好歲寒然後知松栢之
後凋舉世混濁清士乃見豈以其重若彼其輕若此
哉君子疾沒世而名不稱焉荀子曰貪夫徇財烈士
徇名夸者處權衆庶馮生同明相照同類相求雲從
龍風從虎聖人作而萬物覩伯夷叔齊雖賢得夫子
而名益彰顏淵雖篤學附驥尾而行益顯巖穴之士
趨舍有時若此類名堙滅而不稱悲夫閭巷之人欲
砥行立名者非附青雲之士惡能施於後世哉

商容

商容不知何許人也書牧誓載武王克紂式其閭左
晏子高士傳以為老子師容有疾老子曰先生無遺
教以告弟子乎容曰將語子過故鄉而下車知之乎
老子曰非謂不忘故耶容曰過喬木而趨知之乎老
子曰非謂其敬老耶容張口曰吾舌存乎曰存曰吾
齒存乎曰亡知之乎老子曰非謂其剛亡而弱存乎
容曰嘻天下事盡矣

何中意味都在此段書教善也此其子

周本紀纂略

明職方主事馬維銘纂

比部郎嗣男德澧校

周

周武王之先，后稷名棄，帝嚳之子也。其母有邠氏女，曰姜源，為帝嚳元妃。禋祀上帝，居期而生稷。初欲棄之，因名曰棄。棄為兒時，屹如巨人之志。其遊戲好種植麻菽，及為成人，遂好耕農，相地之宜，穀者稼穡焉。民皆則之。帝堯聞之，舉為農師，天下得其利，有功封

於劄號曰后稷別姓姬氏后稷生台臺台臺生叔均
叔均而下數世至不窟世次無考不窟值夏衰失官
不復務農自竄於戎狄之間乃生鞠鞠生公劉復脩
后稷之業國於邠百姓懷之公劉生慶節至諸鬻十
有二世而生古公亶父亶父復脩后稷之業積德行
義狄人攻之遂去邠渡漆沮踰梁山邑於岐山之下
古公長子曰泰伯次曰虞仲少曰季歷皆大姜所生
季歷娶大任皆賢婦人大任生子昌有聖瑞古公欲
傳國於季歷以及昌泰伯虞仲知之乃亡如荊蠻以

讓季歷古公卒季歷立季歷卒子昌立是爲西伯昌
卒子發立以大小公望爲師周公旦爲輔召公奭公榮
公奭顛閔天散宜生南宮括爲佐遂伐紂而有天下
是爲武王按史記以不窟爲后稷子遂謂稷至文王
只十五世且稷契同時受封契至湯四百餘年而十
四世乃謂稷至文王只十五世非也已郊十有三年
夏四月王來自商至於豐偃武脩文改正朔易服色
建都邑丁未祀於祖廟庚戌柴望大告武成告羣后
受丹書之戒作諸銘以自警作辟雍東膠虞庠太史

辛甲獻虞人箴王訪於箕子箕子陳洪範九疇封箕
 子於朝鮮庚辰十有四年西旅貢獒太保奭作旅獒
 以訓王壬午十有六年箕子來朝過殷墟感生禾黍
 傷之欲哭不可欲泣為近婦人廼作詩曰麥秀漸漸
 兮禾黍油油彼狡童兮不與我仇殷民聞之皆為流
 涕王有疾弗豫周公且卜於三王請以身代辛巳十
 有五年春巡守祀百神朝諸侯乙酉十有九年冬十
 有二月王崩子誦立是為成王丙戌元年周公位冢
 宰正百官周公抗世子法於伯禽夏六月葬武王於
 畢王冠始聽政周公作詩戒王召公作公劉之詩命
 周公子伯禽就封於魯管叔鮮及羣弟以流言危周
 公辟居東都秋大熟未穫天大雷電以風禾盡偃大
 木斯拔邦人大恐王迎周公西歸周公東征作大誥
 殺武庚封微子啓於宋作微子之命致辟管叔於商
 囚蔡叔於郭鄰降霍叔於庶人戊子三年王免喪朝
 廟己丑四年周公作立政王伐淮夷遂踐奄庚寅五
 年遷奄君於蒲姑遷殷民於絀周公歸自東蒐於岐
 陽辛卯六年朝諸侯於明堂郊祀后稷以配天宗祀

二十一史纂要 卷一 周本紀

末王於明堂以配上帝行徹法立選舉考課法大司徒以鄉三物教萬民而賓興之一曰六德知仁聖義中和二曰六行孝友睦婣任恤三曰六藝禮樂射御書數鄉大夫三年則大比考其德行道藝而興賢者能者鄉老及鄉大夫帥其吏與其衆寡以禮賓之厥明鄉老及鄉大夫羣吏獻賢能之書於王王再拜受之登於天府內史貳之退而以鄉射之禮五物詢衆庶此謂使民興賢出使長之使民興能入使治之命鄉論秀士升之司徒曰選士司徒論選士之秀者而升之學曰俊士升於司徒者不征於鄉升於學者不征於司徒曰造士大樂正論造士之秀者以告於王而升諸司馬曰進士司馬辨論官材論進士之賢者以告於王而定其論論定然後官之任官然後爵之位定然後祿之又有州長閭胥遂大夫各掌其所治之政令制刑灋定軍制立九府圜法越裳氏來朝召公告老周公作書留之壬辰七年營洛邑召公告召誥洛邑成周公復王獻圖及卜王授使答周公誨言周公告成王宅洛王留周公治洛周公許

既制所
紀全也
於此

周本紀

四

王留洛十有二月戊辰王蒸於新邑告周公留後遂
作冊以誥周公王歸鎬京王命寧周公周公禋於文
主武王王歸鎬遣使謹愆殷民而命寧周公於是使
者且臨公乃述王命及已祭禱責難之詞授之使達
王也癸巳八年周公命諸王封蔡叔康之子胡於蔡
周公以王命告商多士周公作無逸以訓王王征奄
滅之歸鎬京周公以王命誥多方丁酉十有二年王
巡狩歸鎬京訓迪百官戊戌十有三年周公薨十有
四年王命君陳尹東郊成戶口數壬戌三十有七年
四月王不懌甲子召三公六卿暨百官同受顧命乙
丑王崩太子釗卽位受顧命祭告卽位是爲康王癸
亥元年諸侯朝於豐宮以芮伯爲司徒辛未九年魯
公會於薨子考公會嗣壬申十年召公薨癸酉十有
一年君陳薨於洛甲戌十有二年六月壬申命畢公
保釐東郊戊寅十有六年畢公薨於洛戊子二十有
六年王崩太子瑕卽位是爲昭王己卯五十有一年
王崩於漢川太子滿卽位是爲穆王壬午三年命君
牙爲大司徒命伯冏爲太僕正丙申十有七年王西

此法言
也國語
詳不
如此刪

征徐戎歸以趙城封造父甲寅三十有五年王征犬
戎王將征犬戎祭公謀父諫曰先王耀德不觀兵夫
兵戢而時動動則威觀則玩玩則無震王不聽遂征
之得四白狼四白鹿以歸自是荒服者不至己巳五
十年命司寇呂侯訓刑誥四方五十有五年王崩太
子癸卽位是爲共王十有一年王崩太子懿卽位
是爲懿王丁亥元年徙都槐堂二十有五年王崩王
弟辟才卽位爲辛王甲子十有三年封非子爲附庸
邑之秦十有五年王崩諸侯復立太子燮是爲夷王

文極奇
若搢鉄
論本此

丁卯元年王始下堂見諸侯二年命虢公帥師伐九
原之戎衛并比庸之地八年楚子熊渠伐庸揚粵至
於鄂十有六年王崩太子胡卽位爲厲王三十年以
榮公爲卿用事蒞良夫諫曰王室其將卑乎夫榮公
好專利而不知大難夫利百物之所生也天地之所
載也而或專之其害多矣天地百物皆將取焉胡可
專也所怒甚多而不避大難以是教王王能久乎夫
王人者將導利而布之上下者也使神人百物無不
得其極猶日怵惕懼怨之來也故頌曰思文后稷克

二二史纂 卷一 周本紀

何極

配彼天立我蒸民莫匪尔極大雅曰陳錫載周是不
 布利而懼难乎故能載周以至於今今王學專利其
 可乎匹夫專利猶謂之盜王而行之其歸鮮矣榮公
 若用周必敗既而榮公為卿士諸侯不享三十有三
 年使人監謗殺言者召公諫王微歛數起虐用其民
 國人聚議而興謗召公告曰民不堪命矣王怒得衛
 巫使監謗者以告則殺之國人莫敢言道路以目王
 喜告召公曰吾能弭謗矣召公曰是鄭之也防民之
 口甚於防川川壅而潰傷人必多民亦如之是故為

詞氣酒然高出千古所以太白稱之曰名公之言可為萬世君天下者箴

宣民之口與應民之言捐孰益此段文字較然矣

川者决之使導為民者宣之使言故天子聽政使公
 卿至於列士獻詩瞽獻典史獻書師箴賁賦矇誦百
 工諫庶人傳語近臣盡規親戚補察瞽史教誨耆艾
 脩之而後王斟酌焉是以事行而不悖民之有口也
 猶土之有山川也財用於是乎出猶其有原隰衍沃
 也衣食於是乎生口之宣言也善敗於是乎興行善
 而備敗所以阜財用衣食者也夫民慮之於心而宣
 之於口成而行之胡可壅也若壅其口其與能幾何
 王弗聽於是國人莫敢出言二十七年王出奔於燕

賢者
后較之
邑美其
何讓焉

史稱宣
王為中
饋賢君
乃美后
訓之也

太子靜匿於召公家庚寅三十有八年春王在於羗
召公周公行政五十有一年王卒於羗周召二伯立
太子靜是為宣王甲戌元年用召輔政命尹吉甫帥
師北伐獯狁命召虎征淮夷王自將伐淮此之夷四
年命召虎營謝邑以封申伯命仲山甫城齊王不藉
千畝號文公諫二十有二年王后姜氏諫王王嘗早
卧而晏起姜后乃脫簪珥待罪於永巷使其傅母通
言於王曰妾不才至使君王樂色而忘德夫苟樂色
必好奢好奢必窮樂窮樂者亂之所由興也原亂之
由興自婢子始敢請罪王曰寡人不德實自生過非
夫人之罪也遂復姜后而勤於政事早朝晏退繼文
武之迹興周室之業卒成中興之功為周世宗三十
有八年伐脩戎王師敗績三十有九年伐姜戎王師
敗績於千畝軍士怨而作祈父之詩初作大篆史官
所作也四十年料民於太原仲山甫諫四十有一年
征申戎破之四十有三年殺大夫杜伯左儒爭死之
王將殺杜伯其友左儒爭之於王九復之而王不許
王曰汝何別君而異友也左儒曰君道友逆則順君

法言亦
正言

道義德
生言確
而直

以誅友友道君逆則師友以違君王怒曰易而言則
 生不易則死左儒曰士不枉義以從死不易言以來
 生臣能明君之過以正杜伯之無罪王殺杜伯左儒
 死之賢者隱處空谷詩人作白駒之詩留之而不得
 四十有六年王崩太子宮涅即位為幽王二年始嬖
 褒姒西周山川皆震涇渭洛竭岐山崩初夏之衰褒
 人之神化為二龍以伺王庭而言曰余褒之二君也
 夏后卜殺之留之莫吉卜請其祭而藏之吉乃布被
 而策告之龍亡祭在櫝而藏之傳及殷周莫之發也
 厲王之末發而觀之聚流於庭不可除也王使婦人
 不帨而譟之化玄黿入於王府府之童妾未笄齒而
 遭之既笄而孕當宣王時而生不夫而育懼而棄之
 時童謠曰檠弧箕服實亡周國有夫婦鬻是器者王
 使執而戮之逃於道而見鄉者後宮童妾所棄妖子
 夫婦哀其夜號而取之逸逃於褒褒人褒胸有獄而
 入是女於王以贖罪是為褒姒王之三年入後宮見
 而愛之生子伯服時西周三川皆震伯父曰周將亡
 矣夫天地之氣不失其序若過其序民之亂也陽伏

亦可謂
怪異矣

而不能出陰遁而不能烝於是地震今三川實震
是陽失其序而鎮陰也陽失而在陰川源必塞夫水
土演而民用也水土無演民乏財用不亡何待昔伊
洛竭而夏亡河竭而商亡今周德若二代之季矣其
川源又塞塞必竭夫國必依山川山崩川竭亡之徵
也川竭山必崩若國亡不過十年數之紀也夫天之
所棄不過其紀是歲也三川竭岐山崩十一年幽王
乃滅周乃東王廢申后及太子宜臼以褒姒爲后伯
服爲太子七年用尹氏嬖褒姒家父作節南山詩以
刺之已巳十年王舉火戲諸侯褒姒不好笑王說之
萬方故不笑王與諸侯約有寇至舉烽火爲信則舉
兵來援王欲褒姒笑乃無故舉火諸侯悉至而無寇
褒姒大笑褒姒又好聞裂繒聲王發繒裂之以適其
心意又號石父爲人佞善諛好利王以爲卿用事專
任國人皆怨政治多邪庚午十有一年伐申申侯與
犬戎入寇弒王於驪山之下晉衛秦鄭平戎共立故
太子宜臼是爲平王而周之轍遂東矣

東周平王名宜臼幽王之子辛未元年王遷維維邑始

命秦列為諸侯取岐豐之地命衛侯和為公錫命晉侯鄭伯東取鄆魏十邑國之已未四十九年魯惠公卒國人立其子息姑是為隱公時天子微弱諸侯放恣賞罰不行故孔子因魯史脩春秋以寓王法託始於此辛酉五十一年春三月庚戌王崩孫林踐位是為桓王甲申二十三年三月乙未王崩子佗嗣立是為莊王已亥十五年王崩太子胡齊立是為僖王通鑑作釐王甲辰五年王崩太子閔立是為惠王已巳二十五年冬十二月丁未王崩太子鄭即位是為襄王庚午元年夏使宰孔賜齊侯胙壬申三年王賜晉侯命王使召武公內史過賜晉侯命受王情過歸告王曰晉侯其無後乎王賜之命而情於受瑞先自棄也已其何繼之有禮國之幹也敬禮之興也不敬則禮不行禮不行則上下昏何以長世矣未十四年秦晉遷陸渾之戎於伊川初平王之東遷也幸有適伊川見被髮而祭於野者曰不及百年此其戎乎其禮先亡矣是年秋秦晉遷陸渾之戎於伊川王召叔帶於齊冬王出居於鄭初王平帶有寵於惠后惠后將

謂然君
子長者
之言

立之未及而卒子帶奔齊王復之又通於隗氏類叔
 桃子曰我實使狄狄其怨我遂奉大叔以狄師攻王
 王御士將禦之王曰先后其謂我何寧使諸侯圖之
 王遂出及坎猷國人納之秋類叔桃子奉大叔以狄
 師伐周大敗周師獲周公忌父原伯毛伯富辰王出
 適鄭處於汜大叔以隗氏居於温王錫晉侯命國語
 曰王使太宰文公及內史與錫晉文公命上卿逆於
 境晉侯郊勞館諸宗廟饋九牢設庭燎及期命於武
 宮設桑土布几筵大宰蒞之晉侯端委以入內史贊

敘事尤
顯目委
說詳盡

丙史告
王却是
親王處

晉書

之三命而後即冕服既畢賓饗贈餞如公命侯伯之
 禮而加之以宴好內史與歸以告王曰晉不可不善
 也其君必霸逆王命敬奉禮義王其善樹於有禮王
 從之使於晉者道相逮也冬王使告難於魯曰不穀
 不德得罪於母之寵子帶鄙在句法地汜敢告叔父戒
 文仲對曰天子蒙塵於外敢不奔問官守王使簡師
 父告於晉使左鄢父告於秦丙戌十七年晉侯逆王
 於鄭王入於王城享句法文侯於郊而賜之田己丑二十
 年夏四月己巳晉及楚戰於城濮楚師敗績王策命

周本紀

四十七

晉侯為侯伯壬寅三十三年八月王崩太子壬臣即
 位是為頃壬戌申六年春王崩國亂公卿爭權晉趙
 盾平周亂而立王子班是為匡王癸丑五年楚於是
 始霸冬十月乙亥王崩弟瑜即位是為定王楚子伐
 陸渾之戎遂至於雒觀兵於周疆王使王孫滿勞楚
 子問鼎之大小輕重焉對曰在德不在鼎昔夏之方
 有德也遠方圖物貢金九牧鑄鼎象百物而為之備
 使民知神姦故民入川澤山林不逢不若魑魅罔兩
 莫能逢之用能協於上下以承天休桀有昏德鼎遷

楚子問鼎後然有改玉之意王孫滿此對令楚子

於商載祀六百商紂暴虐鼎遷於周德之休明雖小
 重也其姦回昏亂雖大輕也天祚明德有所底止成
 王定鼎於郊廓十世三十七年七百天所命也周德
 雖衰天命未改鼎之輕重未可問也丁卯十三年六
 月晉師滅赤狄及潞氏王殺召伯毛伯戊辰十四年
 春正月王以黻冕命晉士會晉平王室之亂毛召作
 難王室復亂王孫蘇奔晉晉人復之晉侯使士會平
 王室王享之乙亥二十一年夏梁山崩冬十一月巳
 酉王崩太子夷即位是為簡王巳丑十四年九月辛

有功子周矣然愚又為之說曰王孫滿却楚之功不足償其罪周之罪此萬世而下論王孫滿之定案也

酉王崩太子泄心卽位是爲靈王庚戌二十一年十
 一月孔子生丙辰二十七年十二月甲寅王崩太子
 平早卒次子貴卽位是爲景王甲戌十八年乙丑王
 太子壽卒巳卯二十三年孔子至京師旣而反乎魯
 辛巳二十五年夏四月乙丑王崩六月葬景王王室
 亂劉子單子以王子猛居於皇秋劉子單子以王子
 猛入於王城冬十一月王子猛卒猛雖未卽位周人
 謚曰悼王巳丑敬王卽位館於子旅氏

敬王名丐景王之子尹氏立王子朝夏四月乙酉單
 子取訾劉子取櫛人直人六月壬午王子朝入於尹
 癸未尹圉誘劉佗殺之丙戌單子從阪道劉子從尹
 道伐尹單子先至而敗劉子還巳丑召伯與南宮極
 以成周人戊尹庚寅單子劉子樊齊曰王如劉甲午
 王子朝入於王城次於左巷秋七月戊申鄆羅納諸
 莊宮尹辛敗劉師於唐丙辰又敗諸鄆甲子尹辛取
 西闔丙寅攻蒯蒯潰王居於狄泉居於狄泉言未得
 至京師也居於狄泉謂之東王子朝入於王城謂之
 西王書曰王居於狄泉黜子朝也丁酉南宮極震蕞

二十一史纂

周本紀

弘謂劉文公曰君其勉之先君之功可濟也周之亡也其三川震今西王之大臣亦震天棄之矣東王必大克王子朝入於鄘晉會諸侯勤王六月壬申王子朝之師攻瑕及杏皆潰王子朝用成周之寶珪於河乙酉四年冬十月王入於成周尹氏召伯毛以王子朝奔楚十二月癸未王入於莊宮王子朝使告於諸侯曰昔武王克殷成王靖四方康王息民並建母弟以蕃屏周亦曰吾無專享文武之功昔先王之命曰王后無適則擇立長年鈞以德德鈞以上王不立愛

詞嚴
正足以
歷服
侯矣

謙和溫
推深得
且文勢
右之道
如層波
又遠回
環轉可
謂奇觀

公卿無私古之制也穆后及太子壽早夭即世置別贊私立少以間先王亦惟伯仲叔季圖之辛卯十年冬晉韓不信會齊宋魯衛鄭曹莒薛杞小邾城成周王使冏幸與石張如晉請城成周天子曰天降禍於周俾我兄弟並有亂心以爲伯父憂我一二親昵甥舅不皇啓處於今十年勤戍五年余一人無日忘之閔閔焉如農夫之望歲懼以待時伯父若肆大惠復二文之業弛周室之憂徵文武之福以固盟主宣昭令名則余一人有大願矣昔成王合諸侯城成周以

二文之業
宣昭令名

字謹倉
甚熟讀
之能光
人筆力

為東都崇文德焉今吾欲徼福假靈於成王脩成周
之城俾成人無勤諸侯周寧蚤賊遠屏晉之力也其
委諸伯父使伯父寔重圖之俾我一人無徵怨於百
姓而伯父有榮施先王庸之范獻子謂魏獻子曰與
其成周不如城之天子寔云雖有後事晉勿與知可
也從王命以紓諸侯晉國無憂是之不務而又焉從
事魏獻子曰善使伯子對曰夫子有命敢不奉承以
犇告於諸侯遲速衰序於是焉在冬十月晉魏舒韓
不信如京師合諸侯之大夫於狄泉尋盟且合城成

鍊

周士稱牟營成周計丈數揣高卑度厚薄仞溝洫物
土方議遠邇量事期計徒庸慮財用書餘糧以令役
於諸侯屬役賦文書以授師而效諸劉子韓簡子臨
之以為成命丁酉十六年冬十二月王處於姑蕪僖
翩率王子朝之徒因鄭人將以作亂於周鄭於是乎
伐馮滑胥靡負黍狄人闕外晉閻沒成周且城胥靡
天王處於姑蕪戊戌十七年尹氏復黨僖翩共為亂
單子劉子敗尹氏於窮谷冬十二月王入於王城單
子劉子逆王於慶氏晉籍秦送王已巳王入於王城

館於公族黨氏而後朝於東宮己亥十八年春二月
 巳丑單子伐穀城劉子伐備栗辛卯單子伐簡城劉
 子伐孟以定王室乙丑四十四年冬王崩太子伋卽
 位是爲元王戊辰三年冬十月丁卯越滅吳壬申七
 年王崩太子介嗣位是爲貞定王庚子二十八年春
 王崩子去疾卽位是爲哀王二月弟叔弑哀王而自
 立是爲思王五月王子嵬殺叔卽位是謂考王封弟
 揭於河南是爲河南桓公考王辛丑元年時公室止
 有絳及曲沃巳知十五年王崩太子午卽位是爲威

烈王河南惠公封其少子班於鞏以奉王此東西周
 分之始也初考王封其弟於河南是爲河南桓公卒
 子威公立卒子惠公立至是惠公復自封其少子於
 鞏以奉王號東周自武王至平王十三世自平王至
 威烈王又十八世是時周室衰微徒擁虛器號爲天
 下共主傳至赧王五世爲秦所滅威烈王壬申十七
 年孔伋作中庸戊寅二十三年九鼎震巳知二十四
 年王崩太子驕立是爲安王壬辰十三年齊田和會
 魏文侯於濁澤求爲諸侯乙巳二十六年王崩太子

喜卽位是爲烈王丁未二年周太史儋見秦獻公曰
始周與秦國合而別別五百載復合合十七歲而霸
王者出焉注曰周平王封秦仲爲附庸是與周別自
秦仲至平公五百年平公強周顯王入秦致伯是復
合也壬子七年王崩弟有嗣立是爲顯王辛未十九
年秦徙都咸陽秦壞井田開阡陌戊寅二十六年王
致伯於秦庚子四十八年王崩皇太子定卽位是爲
慎觀王丙午六年王崩皇太子延立徙都西周是爲
赧王赧王時東西周分治赧王雖徙都西周特主其
祭耳土地人民政事皆西周武公專之西周武公乃
真公之長子也丁未元年孟軻去齊辛酉十五年東
周與西周戰韓救西周或爲東周謂韓王曰西周者
故天子之國也多名噐重寶秦兵而勿出可以德東
周西周之寶可盡矣又曰東周與西周爭西周欲和
於楚韓齊明謂東周君曰臣恐西周之與楚韓寶令
之爲已求地於東周也不如謂楚韓曰西周之欲入
寶持二端今東周之兵不愆西周之寶不入楚
韓楚韓欲得寶卽且趣我攻西周西周寶出是我爲

言似為
是為東
周孔子
西侯人
始以是
欣

堂堂正
正凛凛
足以屈
朋楚人
而後其
謀矣惜
乎武公
能屈楚
謀而不
能存西
周其殆
天意歟
非人謀
所能為
也

楚韓取寶以德之也。西周弱矣。又曰：東周欲為稻，西
 周不下水，東周患之。蘇子謂東周君曰：臣請使西周
 下水可乎？乃往見西周之君曰：君之謀過矣。今不下
 水，所以富東周也。今其民皆種麥，無他種矣。君若欲
 害之，不若一為下水，以病其所種。下水，東周之民必
 復種稻。種稻而復奪之，若是則東周之民可令一仰
 西周而受命於君矣。西周君曰：善。遂下水。蘇子亦得
 兩國之金也。辛未二十五年，東周君如秦，癸酉二十
 年十月，秦君僭稱西帝，遣魏冉立齊君為東帝。既而
 去之。庚辰三十四年，楚欲圖周，王使武公謂楚令尹
 昭子曰：西周之地不過百里，而名為天下共主，裂其
 地不足以肥國，得其衆不足以勁兵，而攻之者名為
 弑君，然而猶有欲攻之者，見祭器在焉，故也。夫虎肉
 服而兵利，身人猶攻之，若使澤中之麋蒙虎之皮，人
 之攻之必萬倍矣。裂楚之地足以肥國，誣楚之名足
 以尊主。今子欲誅殘天下之共主，居三代之傳器，器
 南則兵至矣。於是楚計不行。辛卯四十五年，秦師伐
 韓，以逼周。西周以應為秦太后養地。乙巳五十九年

秦伐韓趙王約諸侯討之秦使將軍樛攻西周報王
入秦頓首受罪盡獻其邑三十戶三萬秦受其獻而
歸報王於周是歲卒周民遂亡秦取寶器而遷西周
公於囂狐丙午東周君一年秦徙周民於咸陽

周臣列傳

太公望

太公望者東海上人其先祖嘗爲四岳佐禹平
水土甚有功虞夏之際封於呂或封於申姓姜氏本
姓姜氏從其封姓故曰呂尚呂尚嘗屠牛於朝歌賣
飯於孟津蓋窮困年老矣聞西伯善養老乃西歸於
周釣渭上西伯將出獵卜之曰所獲非龍非驪非虎
非熊而王者之輔也遂出獵渭濱至於磻溪見老父
釣曰得無是乎因載以歸與論政事大悅之曰自吾

下此諸
取妙是
呂尚一
係頭

脉 痛血

先君太公曰當有聖人適周周以興子真是邪吾太
 公望子久矣故號之曰太公望以望為師西伯脫姜
 里歸望左右之百伯薨子發立時紂惡不悛十有三
 年春大會於孟津師尚父佐之時維鷹揚肆伐大商
 於是武王封師尚父於齊營丘太公至國脩政因其
 俗簡其禮通商工之業便魚鹽之利而人民多歸齊
 及周成王少時管蔡作亂淮夷畔周乃使召康公命
 太公曰東至海西至河南南至穆陵北至無棣五侯九
 伯汝得征之齊由此得征伐為大國詳齊世家

散宜生

散宜生周之賢臣也文王為西伯時宜生與太顛闕
 夫鬻熊辛甲大夫之徒往歸之值崇侯虎譖西伯於
 紂囚之於羑里宜生與闕夫之徒求美女文馬奇貨
 以獻乃赦西伯及武王伐商至紂宮宜生執劍以衛

周公

周公旦者武王弟也自文王在昔且為子仁奉異於
 羣子及武王即位且常輔翼武王用事居多武王東
 伐至孟津公輔行伐紂封公於少昊之虛曲阜公不

三十一 史記卷一 周公傳

諸齊甚且見長

就封留佐武王武王克商二年王有疾弗豫大召
公曰我其為王穆卜公曰未可以戚我先王公乃自
以為功為三壇乃納冊於金滕之匱中王翌日乃瘳
武王既喪管叔及其羣弟乃流言於國用人居東二
年則罪人斯得于後公乃為詩以貽王名之曰鴟鴞
王亦未敢誚公秋大熟未獲天大雷電以風禾盡偃
大木斯拔邦人大恐王與大夫盡弁以啓金滕之書
乃得用公所自以為功代武王之說三叔懼遂與武
庚叛成王命周公東征以討之作大誥成王七年始

昔洛邑既定公遣使告卜作洛誥次年公初於新洛
邑用告商王士作多士奄與淮夷叛公以王命作多
士公懼王知逸而不知無逸也作無逸又戒成王以
任用賢才之道作立政并邠風諸詩公制禮作樂以
致太平因典章文物之盛著為六典實周家一代之
禮是為周禮公留洛七年而薨葬於畢長子伯禽封
於魯詳魯世家子孫在周畿內者世為諸侯俱名用
公或云君陳周公子非也

召公

召公奭姓姬氏仕文王王為西伯時闢國最廣於是徙都於豐而分岐周故地以為周公召公之采邑且使周公為政於國中而召公宣布於諸侯於是德化大成於內南方諸侯之國江沱汝漢之間莫不從化時召公循行南國以布文王之政或舍其棠之下其後人思其德作其棠之詩以美之西伯卒相武王伐紂有功為太保王克商遂通道於九夷八蠻西旅底貢厥獫狁太保乃作旅獒武王崩相成王成王將崩召太保顧受顧命立康王康元子釗封於北燕子孫在畿內者食采於召世為召公召穆公虎其賢胤也成周畿內諸侯佐厲王厲王虐國人謗王王怒使人監謗者召公諫弗聽三年王出居於彘召公與周公共理國事號曰二相宣王立命召公平淮南之夷詩人作江漢之詩以美之

仲山甫

仲山甫河南華川人佐宣王為太師食采於樊魯武公以括與戲見王立戲樊仲山甫諫曰不可立也不順必犯王卒立之宣王既喪南國之師廼料民於太

原仲山 諫不聽王命仲山甫築城於齊尹吉甫作天生蒸民詩以送之

尹吉甫

尹吉甫仕宣王成康既没八世而厲王胡暴虐周人逐之出居於豳獫狁內侵逼近京邑王崩子宣王靖卽位命吉甫帥師伐之有功而歸詩人作歌宣王自將伐淮北之夷王詔吉甫策命程伯休父爲司馬吉甫之子伯奇吉甫聽後妻之言逐之伯奇自傷無罪見逐乃援琴而歌履霜操是也曲終投河而歿吉甫之後當幽王時爲太師不自棄其政而委政於嬖媚之小人周大夫家父作節南山之詩刺王用尹氏以致亂而春秋書尹氏卒公羊子以爲譏世卿也

隱逸

虞仲 夷逸 朱張 少連

虞仲卽仲雍大伯之弟古公之次子也大伯仲雍讓其弟季歷而伯仲俱適荆蠻荆蠻義之從而歸之者千餘家立爲吳大伯太伯卒無子仲雍嗣立斷髮文身羸以爲飾夷逸夷詭諸之裔也族人夷仲年爲齊

此節
吉甫亦
不得爲
此公矣

三十一史纂 卷一
大夫東射姑爲荆大夫獨逸隱居不仕朱張字子考
荀卿曰彼大儒者雖隱於窮閭漏屋無置錐之地而
王公不能與之爭名仲尼子考是也少連東夷人也
孔子曰少連善居喪

周道學傳

孔子

孔子之先宋之後也微子故殷帝乙之元子入爲王
卿士微國名子爵周公相成王命微子爲殷後與國
於宋弟號微仲仲生宋公稽稽生丁公甲申生湣公
熙熙生弗父何何當嗣而讓其弟厲公宋自微子至
戴公十一世禮樂廢缺正考甫求商頌於周太師得
十二篇歸以祀其先王考甫生孔父嘉五世親盡別
爲公族姓孔氏嘉生木金父木金父生畢夷其子爲

有此父
宜有此
女有此
女宜有
此父只
比問答
兩語可
結其樂

防叔辟華督之難而奔魯故孔氏為魯人防叔生伯
夏伯夏生叔梁紇叔梁紇娶於魯之施氏生九女其
妾生孟皮病足叔梁紇曰雖育九女而無適是無子
也乃求婚於顏氏有三女小曰徵在顏父問三女曰
嗚大夫雖失祀為卿士然先聖之裔也今其人身長
九尺武力絕倫吾甚重之雖年長性嚴不足為疑三
子孰能為之妻二女莫對徵在進曰從父所制將何
問焉父曰即爾能矣遂以妻之禱於尼丘之山魯襄
公十一年十月二十一日庚子孔子生於魯昌平鄉
陬邑孔子生而首上圩頂故因名曰丘云字仲尼生
三歲而叔梁紇死葬於防山六歲為兒嬉常陳俎豆
設禮容孔子年十九娶於宋之開官氏一歲而生伯
魚魯昭公使人遺之鯉魚孔子榮君之貺故名曰鯉
而字伯魚二十歲仕於魯為委吏料量平二十一歲
為司職吏畜蕃息二十四歲母顏氏夫人卒夫子少
孤不知父墓及母卒殯於五父之衢人之見之者皆
以為葬也其引也蓋殯也問於鬻曼父之母然後得
合葬於防二十六歲母喪既祥五日彈琴而不成聲

句奇

長

所答出
于所問
之外此
所以為
聖人之
言

其聖人
也善不
善心先
存之信
誠

無行不
與所以
為大聖
人

十日而成笙歌二十七歲刻子來朝夫子見而問官
 二十八歲見刻子而學禮既而告人曰天子失官學
 在四夷猶信二十九歲聞師襄善琴適晉學之三十
 歲齊景公與晏嬰適魯景公問曰昔秦穆公國小處
 僻其霸何也夫子對曰秦國雖小其志大處雖僻行
 中正身舉百里奚爵之大夫與語三日授之以政以
 此取之雖王可也其霸小矣公說三十一歲齊有一
 足之鳥飛集於公朝舒翅而跳景公怪之使使聘魯
 問孔子孔子曰此鳥名商羊水祥也將有大水為災
 三十二歲在齊景公欲以廩丘之邑為養辭不受三
 十三歲在齊景公舍於外館周使至言先王廟災公
 曰何王之廟夫子曰其登王之廟乎既而使者報登
 王廟災三十四歲訪樂於莒弘弘謂劉文公曰吾觀
 仲尼有聖人之表夫子觀乎明堂觀四門墉有堯舜
 桀紂之象又有周公抱成王負斧戾朝諸侯之圖謂
 從者曰夫明鏡所以察形往古所以知今又入后稷
 廟有金人三緘其口而銘其背曰古之慎言人也誠
 之哉顧謂弟子曰小子識之此言實而中情而信三

十五歲孟僖子病將死召其大夫曰孔丘聖人之後也而滅於宋其祖弗父何始有宋而授厲公及正考甫佐戴武宣三命茲益共故其鬲銘云一命而僂再命而偃三命而俯循墻而走亦莫敢侮僂於是粥於是是以餬余口其共也如是吾聞戒叔紇有言曰聖人有明德者若不當世其後必有達人今其將在孔丘乎我若獲歿必屬說與何忌於夫子使事之而學禮焉以定其位故孟懿子與南宮敬叔師事孔子夫子自衛反魯南宮敬叔言於魯君曰請與孔子適周魯君與之一乘車兩馬一豎子俱適周見老聃而問禮焉夫子乃自周反於魯弟子稍益進焉三十六歲季孫意如與孟孫叔孫三家共攻昭公昭公如齊魯亂於是夫子適齊爲高昭子家臣與齊太師語樂景公問政於孔子三十七歲自齊歸魯見延陵季子聘於上國季子之子夾夫子往觀其葬曰延陵季子其合禮矣三十九歲在魯四十二歲季孫桓子穿井得土缶中若羊問夫子云得狗夫子曰以丘所聞羊也丘聞之木石之怪夔罔雨水之怪龍罔象土之怪羆

足徵生
知聖人
矣

三十一 史集 卷一 周道學傳

六十一

也 冥聖人

此亦考也 易曰 謙受益 聖人當以此垂訓矣

曾定公 宋能用 孔子且 宋能守 其法

羊也吳伐越墮會稽得骨節車車吳使使問夫子骨何者最大夫子曰禹致羣臣於會稽防風氏後至禹殺而戮之其節專車此為大矣四十三歲在陳四十四歲季氏強僭其臣陽虎作亂專政故夫子不仕退而脩詩書禮樂弟子彌衆至自遠方莫不受業焉四十六歲在魯觀於魯桓公之廟有欹噐焉問於守廟者此謂何噐對曰此宥坐之噐顧謂弟子曰試注水焉廼注之水中則正滿則覆夫子喟然嘆曰嗚呼夫物惡有滿而不覆者哉四十七歲公山不狃以費畔季氏使人召夫子子欲往不果魯定公以為中都宰制為養生送死之節長幼異食強弱異任男女別塗路無拾遺噐不雕偽為四寸之棺五寸之槨因丘陵為墳不封不樹行之一年而四方之諸侯則焉定公曰舉子此法以治魯國何如對曰雖天下可也何但魯國而已哉於是定公以為司空乃別五土之性而物各得其所生之宜由司空為大司寇設法而不用無奸民五十一歲由大司寇攝朝政之日而誅亂政大夫少正卯於兩觀之下五十二歲齊大夫犁鉏言

羊也吳伐越墮會稽得骨節車車吳使使問夫子骨何者最大夫子曰禹致羣臣於會稽防風氏後至禹殺而戮之其節專車此為大矣四十三歲在陳四十四歲季氏強僭其臣陽虎作亂專政故夫子不仕退而脩詩書禮樂弟子彌衆至自遠方莫不受業焉四十六歲在魯觀於魯桓公之廟有欹噐焉問於守廟者此謂何噐對曰此宥坐之噐顧謂弟子曰試注水焉廼注之水中則正滿則覆夫子喟然嘆曰嗚呼夫物惡有滿而不覆者哉四十七歲公山不狃以費畔季氏使人召夫子子欲往不果魯定公以為中都宰制為養生送死之節長幼異食強弱異任男女別塗路無拾遺噐不雕偽為四寸之棺五寸之槨因丘陵為墳不封不樹行之一年而四方之諸侯則焉定公曰舉子此法以治魯國何如對曰雖天下可也何但魯國而已哉於是定公以為司空乃別五土之性而物各得其所生之宜由司空為大司寇設法而不用無奸民五十一歲由大司寇攝朝政之日而誅亂政大夫少正卯於兩觀之下五十二歲齊大夫犁鉏言

於景公曰魯用孔丘其勢危齊乃使使告魯為好會
 會於夾谷魯定公且以乘車往時夫子攝相事請其
 左右司馬會齊侯夾谷為壇位土階三等以會遇之
 禮相見景公懼而動知義不若歸而大恐於是齊侯
 乃歸所侵魯之鄆謹黷陰之田以謝過五十三歲為
 大司寇國人謗之既而政化盛行國人誦之五十四
 歲言於定公曰臣聞家不藏甲大夫無百雉之城今
 三家過制請損之使仲由為季氏墮三都五十五歲
 在魯與聞國政齊人聞而懼曰孔子為政必霸霸則
 吾地近焉我為之先弁矣盍致地焉穆嬴曰請先嘗
 沮之沮之而不可則致地庸遲乎於是選齊國中女
 子好者八十人皆衣文衣而舞康樂文馬三十駟遺
 魯君陳女樂文馬於魯城南高門外季桓子微服往
 觀再三將受乃語魯君為周道游往觀終日怠於政
 事乃作猗蘭之操遂行宿於屯節已送曰夫子則非
 罪夫子曰吾歌可夫歌曰彼婦之口可以出走彼婦
 之謁可以死敗蓋優哉游哉維以卒歲節已反桓子
 曰亦何言節已以實告桓子喟然嘆曰夫子罪我以

司馬為

歸女樂

以陰沮

孔子其

實季桓

子之受

亦忌魯

用孔子

孔子之

道行則

桓子之

勢也矣

吾不非

齊而強

罪桓子

小人亦
有障
光明

羣婢故也。遂適衛。遇舊館人之喪，入而哭之。出使子
 貢脫驂而賻之。夫子主於子路妻兄顏濁鄒家。五十
 六歲在衛，居十月去衛。自衛至曹，自曹至宋。五十七
 歲自宋適陳，過匡。匡人圍之五日。甲者進曰：吾初以
 爲陽虎也。遂解圍。五十九歲在衛，靈公老不用夫子。
 夫人有南子者，願見夫子，辭謝不得已而見之。居衛
 月餘，靈公與夫人同車，宦者雍集參乘，出使夫子爲
 次，乘招搖市過之。夫子醜之，去衛適曹。是歲魯定公
 卒，又去曹適宋。六十歲在宋，與弟子習禮大樹下。宋
 司馬桓魋欲殺之，遂適鄭。與弟子相失，夫子獨立郭
 東門，鄭人或謂子貢曰：東門有人，其顙似堯，其項顙
 皐陶，其肩顙子產，自腰以下不及禹者三寸，纍纍若
 喪家之狗。子貢以實告，夫子欣然笑曰：形狀末也，而
 似喪家之狗，然哉！遂至陳，主於司城貞子家。歲餘有
 隼集於陳廷而死，楛矢貫之，石砮矢長尺有咫。陳湣
 公使使問之，夫子曰：隼來遠矣，此肅慎之矢也。試求
 之，故府果得之。居陳三歲，會晉楚爭強，更伐陳及吳。
 侵陳，陳常被寇。於是去陳六十一歲，自陳過蒲，會公

聞其言
 淡然聖
 人度量
 如天高
 地濶確
 哉
 聖人心
 如明鏡
 神哉神
 哉

周道正

六

大人者言不必信行不

叔氏以蒲畔人止夫子弟子有公良孺者以私車五乘從夫子其為人長賢有勇力謂曰吾昔從夫子遇難於匡今又遇難於此命也已吾與夫子再罹難寧鬪而歿聞甚疾蒲人懼謂夫子曰苟毋適衛吾出子與之盟出夫子東門夫子遂適衛子貢曰盟可負邪夫子曰要盟也神不聽六十二歲在衛靈公老怠於政不用夫子行佛肸為中牟宰趙簡子攻范中行伐中牟佛肸畔使人召夫子夫子欲往不果夫子既不得用於衛將西見趙簡子至於河而聞竇鳴犢舜葬之歿也臨河而嘆曰美哉水洋洋乎丘之不濟此命也夫子貢趨而進曰敢問何謂也夫子曰竇鳴犢舜

聖人不言命此乃言命亦以慰諸門弟也

君子見幾而作而况大聖人乎此所以臨河而不渡也

華晉國之賢大夫也趙簡子未得志之時湏此兩人而後從政及其已得志乃殺之丘聞之刳胎殺夭則麒麟不至其郊竭澤涸漁則蛟龍不處其淵覆巢破卵則鳳凰不翔其邑何則君子諱傷其類也乃還息乎鄆鄰作鄆操以哀之遂反乎衛主蘧伯玉家六十三歲自衛之陳陳侯起陵陽之臺未畢而歿者數十人又執三監吏將殺之夫子既見陳侯與登臺而觀

陳侯亦
是大聖
務言

宰我智
足以知
聖矣非
道孔子
也

愚謂
至聽子
西之言
非楚之
福也

陳侯曰昔周作靈臺亦戮人乎對曰文王之興附者
 六州六州之衆以子道來不日成之何戮之有陳侯
 赦所執吏罷役夫子自陳遷於蔡蔡弑昭公楚侵蔡
 秋齊景公卒夫子自蔡如葉葉公問政他日葉公又
 問夫子於子路子路不對既而反蔡有沮溺耦耕丈
 人荷蓑等事時宰我在楚楚昭王欲以安車象飾遣
 孔子宰我曰夫子無以此爲也時楚昭王渡江有一
 物觸王舟使使問孔子孔子曰此萍實也是歲吳伐
 陳楚昭王救陳軍於城父聞孔子在陳蔡之間使人
 來聘陳蔡大夫相與謀曰孔子所刺譏皆中諸侯之
 病用於楚則陳蔡用事大夫危矣乃相與發徒役圍
 之於野於是使子貢之楚昭王自城父興師迎夫子
 然後得免昭王將以書社地封夫子令尹子西曰令
 孔子得據土壤賢弟子爲佐非楚之福也昭王乃止
 其秋昭王卒於城父楚狂接與歌而過孔子於是孔
 子自楚反乎衛六十四歲在衛時蒯聵與子輒爭國
 六十六歲夫人开官氏卒六十七歲伯魚母歿暮年
 而猶哭夫子聞之曰誰歟門人曰鯉也夫子曰嘻其

甚也伯魚聞之遂除之六十八歲在衛是歲齊師伐魯冉求為季氏帥師與齊戰有功冬衛孔文子將攻大叔疾訪於夫子夫子曰簞簞之事則嘗學之矣甲兵之事未之聞也退命駕而行會季康子逐公華公賓公林以幣迎孔子孔子乃歸魯作丘陵之歌然魯終不能用夫子夫子亦不求仕乃叙書傳禮記刪詩正樂序易彖繫象說卦文言脩春秋製孝經時弟子蓋三千焉身通六藝者七十二人六十九歲子伯魚卒七十歲在魯哀公館焉公自阼階孔子自賓階升堂立侍公命以席問政時哀公十四年春西狩獲麟叔孫比車子鉏耒採薪獲獸以為不祥以賜虞人夫子視之曰麟也然後取之曰河不出圖洛不出書吾已矣夫乃歌曰唐虞世兮麟鳳游今非其時兮來何求麟兮麟兮我心憂歌畢反袂拭面涕淚沾襟作春秋絕筆於獲麟所感而起所以為終也七十二歲夫子病子貢請見夫子方負手曳杖逍遙於門歌曰泰山其頽乎梁木其壞乎哲人其萎乎子貢遂趨而入孔子曰賜爾來何遲也丘也殷人也予疇昔之夜夢

悲哀慘
激讀此
歌令人
淚淫淫
下

可為長
太息矣
厚哉師
弟情也

獨居于
塚上六
年

孔子曰
賜來何
遲便知
子貢厚
師迥異
諸弟子

坐奠於兩楹之間夫明王不興而天下其孰能宗予
殆將死也蓋寢疾七日而沒乃魯哀公十六年四月
乙丑哀公誅之葬魯城北泗上弟子皆服心喪三年
喪畢相訣而去則哭各盡哀或復留唯子貢廬於塚
上凡六年然後去弟子及魯人往從塚而家者百餘
室因命曰孔里魯世世相傳以歲時奉祠其塚而諸
儒亦講禮鄉飲大射於冢上

孔子弟子

顏淵魯人名曰淵其字也少孔子三十歲四年二十

九髮盡白三十二而卒孔子曰自吾有門人日益
親

曾參魯南武城人字子輿少孔子四十六歲性至孝
家貧食力敝衣躬耕日不舉火而歌聲若出金石魯
君聞之而致邑焉固辭不受曰吾聞受人施者常畏
人與人者常驕人縱君有賜不吾驕也吾豈能勿畏
乎曾子出妻其子无請再娶曾子曰高宗以後妻殺
季已尹吉甫以後妻放伯奇吾上不及高宗中不及
吉甫庸能免於非乎遂終身不娶曾子寢疾病樂正

致邑固
辭語尤
切賢
哉參也
可為士
君子法
矣

妙人妙

證直而

臨終之言可為萬世法

蓋出閑子至孝處

歸功于夫子與二三子所以為聖門高弟

聖心之虛若此

子春坐於牀下，曾无曾申坐於足。童子隅坐而執燭。童子曰：華而晄，大夫之簣與。子春曰：止。曾子聞之，瞿然曰：斯季孫之賜也。我未之能易也。无起易簣。曾无曰：夫子之病革矣，不可以變。幸而至於旦，請敬易之。曾子曰：爾之愛我也，不如彼君子之愛人也。以德細人之愛人也，以姑息。吾何求哉？吾得正而斃焉，斯已矣。舉杖而易之，反席未安而沒。

閉損字子騫，魯人。少孔子十五歲，幼喪母，為後母所苦。冬月以蘆花衣之，以代絮。其所生二子，則衣之以

綿。冬月令損御車，體寒失朝。父察知之，欲遣後妻，損

啓父曰：毋枉一子。寒，毋去三子。單父喜其言而止。母

亦感悟，遂成慈母。閉子始見於夫子，有菜色。後有芻

豢之色。子貢問之，閉子曰：今被夫子之文，寢深又賴

二三子切磋而進之，是以有芻豢之色。唯是不仕，大

夫不食汗君之祿，及居親三年喪畢，見於孔子，與之

琴，使之弦切切而悲，作而曰：先王制禮，不敢過焉。

冉耕，魯人，字伯牛，以德行著稱，有癩疾。孔子節小物

則以伯牛侍，曰：吾以子自厲也。

冉雍字仲弓伯牛之宗族也少孔子二十九歲生於不顛之父以德行著名

宰予字子我魯人長於言語嘗晝寢欲短喪孔子責之嘗曰以言取人失之宰予

端木賜衛人字子貢少孔子三十一歲子貢善為說辭齊田常欲作亂憚高國鮑晏欲移其兵以伐魯孔

子聞之謂門弟子曰夫魯墳墓所處父母之國國危如此二三子何為莫出子路請出孔子止之子張子

存請行孔子弗許子貢請行孔子許之遂行至齊說田常曰賜聞之憂在內者攻強憂在外者攻弱今君

憂在內田常曰善雖然吾兵業已加魯矣去而之與大臣疑我奈何子貢曰君按兵無伐賜請往使吳王

令之救魯而伐齊君因以兵迎之子貢南見吳王說曰夫採魯顯名也伐齊大利也以撫泗上諸侯誅暴

齊以服強晉利莫大焉王曰善雖然吾嘗與越戰棲之會稽越王苦身養士有報我心子待我伐越而聽

子子貢曰王置齊而伐越則齊已平魯矣王方以存亡繼絕為名乃伐小越而畏強齊非勇也今存越示

以此兩語足以辨田常矣有味哉其言之也

詞語正大較之蘇張霄壤判矣

言言中的論語稱子貢

善為說
信哉

此至人
之言豈
在口舌
間見長
乎

明哲之
士其計
畫無出
于此卒
之滅吳
霸越子
貢之言
知左券
驗矣

諸侯以仁，抹魯伐齊，威加晉國，諸侯必相率而朝。吳霸業成矣。吳王大悅，迺使子貢之越。越王除道郊迎，身御至舍而問曰：「此蠻夷之國，大夫何以儼然辱而臨之？」子貢曰：「今者吾說吳王以抹魯伐齊，其志欲之而畏越，曰：『待我伐越，迺可如此。』破越必矣。且夫無報人之志，而令人疑之，拙也。有報人之意，而使人知之，殆也。事未發而先聞危也。三者舉事之大患。勾踐頓首再拜曰：『孤嘗不料力，乃與吳戰，困於會稽，痛入骨髓，日夜焦唇乾舌，徒欲與吳王接踵而處，孤之願也。』」

子貢曰：「今王誠發士卒，佐之以徼其志，重寶以說其心，卑辭以尊其禮，其伐齊必也。彼戰不勝，王之福矣。戰勝必以兵臨晉，臣請北見晉君，令共攻之，弱吳必矣。其銳兵盡於齊，重甲困於晉，而王制其敝，此滅吳必矣。越王大悅，許諾，送子貢金百鎰，劍一，良矛二。子貢不受，遂行報吳王。吳王大悅，以告子貢。子貢曰：「越王欲身從寡人伐齊，可乎？」子貢曰：「不可。夫空人之國，悉人之衆，又從其君不義。君受其幣，許其師，而辭其君，吳王乃謝越王。於是吳遂發九郡兵伐齊，子貢因去之。」

晉謂晉君曰今齊與吳將戰彼戰而不勝越亂之必
 矣與齊戰而勝必以其兵臨晉晉君大恐曰為之柰
 何子貢曰脩兵休卒以待之晉君許諾子貢去而之
 魯吳王果與齊戰於艾陵大敗齊師獲七將軍之兵
 而不歸果以兵臨晉與晉人相遇黃池之上晉大敗
 吳師越王聞之涉江襲吳吳王聞之去晉而歸與越
 戰於五湖三戰不勝城門不守越遂圍王宮殺夫差
 而戮其相破吳三年東向而霸子貢嘗相魯衛家累
 千金卒終於齊

冉求字子有仲弓之族也少孔子二十九歲為季氏
 宰

仲由字子路魯之卞人也少孔子九歲子路性鄙好
 勇力志伉直初見孔子冠雉鷄冠佩玃豚拔劍而舞
 之孔子曰以子之所能而加之以學問豈可及乎魯
 有溺者子路拯之其人拜之以牛子路不受孔子曰
 魯人必不拯溺矣子路為蒲大夫三年孔子過之入
 其境曰善哉由也恭敬以信矣入其邑曰善哉由也
 忠信而寬矣至庭曰善哉由也明察以斷矣子貢執

不受者
 賢人之
 廉極端
 者聖人
 之仁此
 聖賢之
 界限也
 觀此則
 由可從
 政不特
 果也

轡而問曰夫子未見申之政而三稱其善可得聞乎
 孔子曰吾見其政矣孔子之宋匡人簡子以甲士圍
 之子路怒奮戟將與之戰孔子止之命之歌子路彈
 琴而歌孔子和之曲三終匡人進辭曰以為陽虎也
 故圍之今非也請辭而退子路見夫子曰負重致遠
 不擇地而休家貧親老不擇祿而仕昔者由也事二
 親之時嘗食藜藿之食為親負米百里之外親沒之
 後南遊於楚從車百乘積粟萬鍾顧欲食藜藿為親
 負米不可得也子路有姊之喪可以除之矣而弗除

思變
 言乃尔
 可以徵
 矣矣

也孔子曰何弗除也子路曰吾寡兄弟而弗忍也孔
 子曰先王制禮行道之人皆弗忍也初衛靈公有寵
 姬曰南子靈公太子蒯聩得過於南子懼誅出奔及
 靈公卒而夫人欲立公子郢郢不肯曰亡人太子之
 子輒在於此衛立輒為君是為出公立二十年其父
 蒯聩居外不得入子路為衛大夫孔惺之邑宰蒯聩
 乃與孔惺作亂謀入孔惺家與其徒襲攻輒輒出奔
 而曠入立是為莊公方孔惺作亂子路在外聞之而
 馳往時子羔為衛大夫出衛城門謂子路曰出公去

矣而門已閉子可還矣毋空受其禍子路曰食其食者不避其難子羔遂去有使者入城城門開子路隨而入蒯瞶與孔悝登臺子路曰君焉用孔悝請得而殺之子路欲燔臺蒯瞶懼乃下石乞壺壓攻子路擊斷子路之纓子路曰君子死而冠不免遂結纓而死孔子聞衛亂曰柴也其來由也死矣孔子曰自吾得由惡言不聞於耳於是哭子路於中庭人有弔者而夫子拜之既哭進使者而問故使者曰醢之矣遂命覆醢

何者

言偃字子游吳人少孔子四十五歲自吳之魯受業於孔子子游在聖門號爲習禮以文學名

商

商字子夏衛人少孔子四十四歲子夏哭子喪明曾子弔之數其罪子夏在聖門以文學著序詩傳易稽古志禮而孔子亦嘗屬其傳春秋云有若字子有魯人少夫子十三歲嘗問於曾子曰聞喪於夫子乎曰聞之矣喪欲速貧歿欲速朽有子曰是非君子之言也然則夫子有爲言之也孔子既沒弟子思慕之以有若狀似孔子相與共立爲師以師

之如夫子時也。他日弟子進問曰：昔夫子當行使弟子持雨具已，而果雨，弟子問曰：夫子何以知之？夫子曰：詩不云乎？月離於畢，俾滂沱矣。昨者月不宿畢乎？他日月宿畢，竟不雨，商瞿年長無子，其母爲取室，孔子使之齊，瞿母請之，孔子曰：無憂，瞿年四十後當有五丈夫子已，而果然。敢問夫子何以知此？有若默然無以應，遂避師位。

宓不齊字子賤，魯人。少孔子四十九歲，爲單父宰，過於陽晝，曰：子亦有以送僕乎？陽晝曰：吾少也，賤不知

生意

治民之術有鈞道二焉。請以送子。子賤曰：鈞道奈何？

善哉言
可以通
四道矣

陽晝曰：夫扱綸錯餌，迎而啖之者，陽橋也；其爲魚薄而不美，若存若亡，若食若不食者，魴也；其爲魚也博而厚味，子賤曰：善。於是未至單父，冠蓋迎之者，交接於道。子賤曰：車驅之，車驅之，陽晝之所謂陽橋者，至矣。於是至單父，請其耆老賢者而與之共治。初，子賤受單父之命，辭魯君，因請借善書者二人。至單父，使書子賤從旁引其肘，書醜則怒之，欲好書則又引之。書者患之，請辭去，歸以告魯君。魯君曰：子賤苦吾擾

之使不得施其善政也齊攻魯父老請縱民獲麥子
賤不聽曰若使不耕者得穫是使民樂有寇也子賤
在單父身不下堂鳴琴而治既巫馬期亦宰單父以
星出以星入日夜不處以身親之而單父亦治巫馬
期問於子賤子賤曰我任人子任力所著書有宓子
十六篇

顓孫師字子張陳人少孔子四十八歲子張死魯子
有母之喪齊衰而往哭之或曰齊衰不以弔曾子曰
我弔也與哉

古今
雜名

憲字子思家語云宋人鄭玄曰魯人少孔子三十
六歲憲居魯環堵之室茨以生蒿蓬戶甕牖桷桑而
無樞上漏下濕匡坐而絃歌正冠則纓絕振襟則肘
見納履則踵決子貢曰嘻先生何病也憲曰憲聞之
無財之謂貧學而不能行之謂病憲貧也非病也
巫馬施字子期陳人一日魯人少孔子三十歲
左丘明楚右史倚相之後也受經於孔子故傳春秋
又采錄前世穆王以來下訖於魯悼智伯之謀無不
備載以為國語其文不主於經故號曰春秋外傳

此聖之所以益聖也

南宮括字子容一字子芝亦曰南容魯孟僖子之子
孟懿子之弟仲孫閱也居南宮因姓焉又曰南宮敬
叔云孔子謂敬叔曰吾聞老聃博古知今則吾師也
今將往矣遂與敬叔俱至周問禮於老聃訪樂於襄
弘歷郊社之所考明堂之則察廟朝之度孔子喟然
曰吾乃今知周公之聖與周之所以王也

以此言觀之亦不愚矣

高柴字子羔齊人敬仲侯十代孫長不盈五尺少孔
子三十歲為成宰成人有其兄歿而不為衰者聞子
羔將至遂為衰成人曰蠶則績而蠟有匡范則冠而
蟬有綏兄則歿而子羔為之衰衛有蒯賁之亂子羔
逃之走郭門則者守門焉謂則者曰吾不能虧主之
法而則子之足今吾在難正子報怨之時而逃我者
三何哉則者曰斷足固我之罪
乘車衛人字子開一字子張琴張與子桑戶孟之友
三人相與為友

澹臺滅明字子羽魯武城人少孔子三十九歲狀貌
甚惡欲事孔子孔子以為才薄既已受業退而脩行
孔子曰吾以貌取人失之子羽

孔子字仲魚孔子子也孔子十九歲娶於宋之亓官氏生伯魚伯魚年五十先孔子卒

顏無繇字路田之父也少孔子六歲
曾點字皙參之父

公西赤字子華魯人少孔子四十二歲

公冶長字子長魯人

樊須字子遲齊人樊皮之後少孔子三十六歲

司馬耕字子牛宋人桓魋之弟也

南宮魯字子木魯人少孔子一十九歲受易於孔子

漆雕開字子若一字子開蔡人

顏幸字子柳魯人少孔子四十六歲

曹卹字子循蔡人少孔子五十歲

公孫龍字子石楚人少孔子五十三歲

秦商字丕茲魯人父董與孔子父以德力竝稱家語

書不慈史記書子丕今書從左傳云

顏高一名刻字子驕魯之有力人也孔子去衛適陳

過匡高爲僕

穰駟赤字子徒秦人

石作蜀字子明成紀人

公夏首字子乘魯人

盾處一名石處字里之齊人

奚容箴字子哲魯人

顏祖一名相字子襄魯人

句井疆字子孟衛人

秦祖字子南魯人

公祖句茲字子之魯人

縣成字子橫一字子棋魯人

燕似一名級字子思秦人

顏之僕字子叔魯人

樂欬字子聲秦人

狄黑字哲之一字子哲亦字子素衛人

孔忠字子茂孔子之兄伯皮之子

公西歲字子上一字子尚魯人

施之常字子恒魯人

秦非字子之魯人

申棖字子續

顏增字子聲魯人

公哲哀字季次齊人

梁鱸一名鯉字叔魚少孔子二十九歲

冉孺字子魚魯人少孔子五十歲

伯虔字子指一字子栢魯人少孔子五十歲

冉季字子產魯人

漆雕哆字子欽魯人

漆雕徒字子文一字子期魯人

南澤字子季魯人

任不齊字子選楚人

公良孺字子正陳人

公堅定字子中

鄭單字子家

罕父黑字子黑一字子素魯人

榮旂字子祺魯人

左人郢字子行魯人

鄭國字子徒宋人

原亢字子抗一字籍魯人

廉潔字子庸衛人

叔仲會字子期魯人少孔子五十四歲

邾異字子歛魯人

公孫輿一名加字子之一字子上魯人

陳亢字子亢一字子禽陳人

步叔乘字子車齊人

公羊子名高齊人作春秋傳

穀梁名淑字元始一名赤魯人作春秋傳

周道學傳

子思

孔伋字子思伯魚之子也師事曾子嘗對夫子言其
父折薪其子弗克負荷是謂不肖夫子忻然曰其克
昌乎年十六適宋宋大夫樂朔與之言學焉朔曰尚
書虞夏數四篇善也下此以訖於秦費效堯舜之言
耳殊不如也子思答曰事變有極正自當耳假令周
公堯舜更時易處其書同矣朔曰凡書之作欲以喻
民也簡易為上而乃故作難知之辭不亦繁乎子思

婉切有
味不愧
孔子之
孫矣

曰書之意兼復深奧訓詁成義古人所以為典雅也
 昔魯委巷亦有似君之言者樂朔不悅而退曰孺子
 辱吾遂圍子思宋君聞之駕而抹子思子思既免曰
 文王囚於羑里作周易尼父屈於陳蔡作春秋吾囚
 於宋可無作乎於是述父師之意作中庸子思居於
 衛緼袍而無裘三旬九食田子方聞之使人遺狐白
 之裘恐其不受因謂曰吾假人遂忘之吾與人也如
 棄之子思辭而不受曰假雖貧也不忍以身為溝壑
 是以不敢受也衛人釣於河得鰈魚焉子思問之曰

爾庶遂乃

此言可
以通也

一鰈魚難得者子何以得之對曰吾釣垂一魴之餌鰈
 過而弗食益之以豚則吞之矣子思喟然曰鰈雖難
 得貪以死餌士雖懷道貪以死祿矣子思言苟變於
 德君曰其材可將五百乘君曰吾知其材可將然變
 也嘗為吏賦於民而食人二雞子以故弗用也子思
 曰夫以二卵棄千城之將此不可使聞於鄰國也衛
 君言計非是而羣臣和者如出一口子思曰以吾觀
 衛君之國事將日非矣君出言皆自以為是而卿大
 夫莫敢矯其非卿大夫出言亦皆自以為是而士庶

人莫敢矯其非如此則善安從生子思適齊齊君之
嬖臣美鬚眉立於側齊君指之而笑且言曰假貌可
相易寡人不惜此之鬚眉以與先生也子思曰非所
願也子思自齊反衛衛君館而問曰先生魯國之士
不以衛之褊小猶步玉趾而慰存之願有賜於寡人
也子思曰臣欲報君以財幣則君之府藏已盈而假
又貧欲報君以善言恐未合君志而徒言不聽也其
可以報君者唯進賢耳君將以名取士耶以實取士
耶君曰必以實子思曰衛之東境有李音者賢而有

以正言
規君尤
以婉言
引君可
為人臣
引君當
道者法

寔者也君曰其父祖何也對曰世農夫也衛君大笑

曰寡人不好農農夫之子無所用之且世臣之子未

悉官之子思曰臣稱李音稱其賢才也父祖之農何

預焉且周公大聖康叔大賢揆厥伊始不以農事開

國乎臣固疑君之取士不以寔也衛君默然衛公子

友見於子思曰先生聖人之後而執清高之操天下

之君子莫不服先生之大名也友雖不敏願師先生

之行子思曰公子不冝也夫清高之節不以私自累

不以利煩意擇天下之至道行天下之正路今公子

按此兩
者破他
義字

只此
語便
足文

師處何
必他水

紹康叔之緒處戰伐之世當務收英雄保其疆土非
所以明臧否立規檢脩匹夫之行之時也子思反於
魯謂子上曰有可以為公侯之尊而富貴人眾不與
焉者非唯志乎成其志者非唯無欲乎教授弟子孟
軻之徒數百人

孟子

車字名軻字子輿一字子車鄒人也生三歲喪父激
公宜母佚氏有賢德挾其子以居始舍近墓孟子之
少也嬉戲為墓間事踴躍築埋孟母曰此非所以居

可學子
處居之
賢哉母
也

子也廼去舍市其嬉戲為賈術事母曰又非所以居
子也遂徙舍學宮之旁其嬉戲乃設俎豆揖讓進退
母曰此真可以居子矣遂居之稍長就學而歸母方
績問曰學何所至矣軻曰自若也母以刀斷織軻懼
問其故母曰子之廢學若吾斷斯織矣軻懼旦夕勤
學不息請見子思子思見之甚悅其志命子上侍坐
禮敬甚崇子思謂孟軻曰自大而不脩其所以大不
大矣自異而不脩其所以異不異矣孟子道既通值
梁惠王卑禮厚幣以招賢者乃至梁既而去梁適齊

實主以為上卿孟子復去齊適梁惠主不果所言則見以為迂遠而濶於事情當是時天下務合從連衡以攻伐為賢而孟軻乃述唐虞三代之德是以所如者不合退而與萬章之徒序詩書述仲尼之意作孟子七篇娶由氏生子名仲子今鄒縣四基山有孟子墓云

孟子弟子

樂正子名克嘗仕於魯平公

公孫丑齊人

萬章嘗與孟子辯論不見諸侯之義

浩生不害齊人

高子齊人

孟仲子孟子之從昆弟孟季子其弟也


陳臻齊人

屋廬子名連嘗著書言彭聃之法

陳代嘗疑孟子不見諸侯

公都子嘗問孟子好辨

充虞當孟子喪母時虞敦匠事



徐辟墨者之夷嘗因辟求見孟子

彭更嘗疑孟子傳食諸侯為泰

成丘蒙齊之隱士學於孟子

桃應嘗問舜為天子臯陶為士瞽瞍殺人則如之何

周諸子列傳

老子

老子者楚苦縣厲鄉曲仁里人也姓李名耳字伯陽
謚曰聃周守藏室史也孔子適周問禮於老子老子
曰子所言者其人與骨皆已朽矣獨其言在耳且君
子得其時則駕不得其時則蓬累而行吾聞之良賈
深藏若虛君子盛德容貌若愚去子之驕氣與多欲
態色與淫志是皆無益於子之身吾所以告子若是
而已孔子去謂弟子曰鳥吾知其能飛魚吾知其能

此正老
子之教
藏也

以孔之
之大聖
尚以龍
尊老子
今人並
以虛無
黜老子
吾不知
其何謂
也蓋龍
者變化
不測能
遊乎物
之外也
即今道
家經

經此數
語以贊
老子亦
瘦体也

游獸吾知其能走走者可以為罔游者可以為綸飛
者可以為矰至於龍吾不能知其乘風雲而上天吾
今日見老子其猶龍邪老子脩道德其學以自隱無
名為務居周久之見周之衰乃遂去至關關令尹喜
曰子將隱矣強為我著書於是老子乃著書上下篇
言道德之意五千餘言而去莫知其所終老子蓋百
六十餘歲或言二百餘歲以其脩道而養壽也自孔
子歿之後百二十九年而史記周太史儋見秦獻公
曰始秦與周合而離離五百歲而復合合七十歲而
霸王者出焉或曰儋即老子或曰非也世莫知其然
否老子隱君子也老子之子名宗宗為魏將封於段
干宗子注注子官官玄孫假假仕於漢孝文帝而假
之子解為膠西王邛太傅因家於齊焉世之學老子
者則絀儒學儒學亦絀老子道不同不相為謀豈謂
是邪李耳無為自化清靜自正

列子

列子鄭人姓列名禦寇與鄭繻公同時其學以黃帝
老子為宗學於壺丘子林列子既師壺丘子林友伯

昏瞽人乃居南郭窮居有饑色客有言之鄭子陽者
曰列禦寇蓋有道之士也居君之國而窮君無乃爲
不好士乎鄭子陽卽令官遺之粟列子出見使者再
拜而辭使者去列子入其妻望之而拊心因妾聞爲
有道之妻子皆使佚樂今有饑色君過而遺先生食
先生不受豈不命也哉列子笑謂之曰君非自知我
也以人之言而遺我粟至其罪我也又將以人之言
此吾所以不受也居一年鄭人殺子陽

莊子

有道者之言

一篇細領在此一句

數語足以盡莊子矣

自性自在不爲世露此

莊子者宋之蒙人也名周嘗爲蒙縣漆園吏與梁惠
王齊宣王同時其學無所不闕然其要本歸於老子
之言故其著書十餘萬言明老子之術善屬書離辭
指事顯情用剝削儒墨雖當時宿學不能自解免也
其言泔洋自恣以適已故自王公大人不能器之莊
子妻死惠子弔之莊子方箕倨鼓盆而歌楚威王使
大夫以百金聘莊子莊子方釣於濮水之上持竿不
顧曰吾聞楚有神龜死二千歲矣巾笥而藏之於廟
堂之上此龜寧爲留骨而貴乎寧生曳尾於塗中乎

所以有
道達遊
之作
似悟似
誕似錄
似誇誰
謂家莊
非他家
宗耶

大夫曰寧掉尾塗中耳莊子曰往矣吾方掉尾於塗
中莊子將歿弟子欲厚葬之莊子曰吾以天地為棺
槨以日月為連璧星辰為珠璣萬物為齋送吾葬其
豈不備耶弟子曰吾恐烏鳶之食夫子也莊子曰在
上為烏鳶食在下為螻蟻食奪彼與此何其偏也

楊朱

楊子名朱老子弟子也朱南之浦老聃西遊於秦至
梁而遇老子中道仰天而嘆曰始以汝為可教今不
可教也朱至舍滕行而前曰請問其過老子曰而雖

文法極
變幻不
窮

進而既既而誰與居大白若辱盛德若不足朱曰敬
聞命矣其往也舍者迎將家公執席妻執巾柳舍者
避席湯者避灶其反也舍者與之爭席矣楊子嘗曰
伯成子高不以一毫利物舍國而隱耕大禹不以一
身自利一體偏枯古之人損一毫利天下不與也悉
天下奉一身不取也人人不損一毫人人不利天下
天下治矣

墨翟

墨子名翟宋人墨子見染素絲者而嘆曰染於蒼則

先儒以
此語論
學的確

蒼染於黃則黃所以入者變其色亦變五入而以爲
五色矣故染不可不慎也邑號朝歌墨子不入禽滑
釐問於墨子曰錦繡絺紵將安用之墨子曰是非吾
用務也古有無文者得之矣公輸般爲楚設機將以
攻宋墨子聞之自魯往裂裳裹足日夜不休十日十
夜而至於郢見楚王曰請令公輸般試攻之臣請試
守之於是公輸般設攻宋之械墨子設守宋之備九
攻之墨子九卻之不能入公輸般服焉後宋信子丹
之讒逐墨子墨子貴儉妻愛尚賢明鬼非命尚同

荀子

荀子趙人年五十始來游學於齊騶衍之術迂大而
閎辯真也文具難施淳于髡久與處時有得善言故
齊人頌曰談天衍雕龍奘炙轂過髡田駢之屬皆已
處齊襄王昔而荀卿最爲老師齊尚脩列大夫之缺
而荀卿三爲祭酒焉齊人或讒荀卿卿乃適楚而春
申君以爲蘭陵令春申君死而荀卿廢因家蘭陵李
斯嘗爲弟子已而相秦荀卿推儒墨道德之行事興
壞序列著數萬言而卒因葬蘭陵而趙亦有公孫龍

為堅白同異之辨劇子之言魏有李悝盡地力之教楚有尹子長廬阿之叶子焉

鬻子

和可以攻戰守而攻戰守又無如一和此古今確言也

鬻子文王昔人按賈誼新書所引鬻子如云和可以守而嚴可以守而嚴不若和之固也和可以攻而嚴可以攻而嚴不若和之德也和可以戰而嚴可以戰而嚴不若和之勝也鬻子書謂鬻子年九十見文王文王以為老鬻子曰使臣捕獸逐麋已老矣使臣坐策國事尚少也

趣極

子華子

子華子姓程氏名本子華其字晉人與孔子同時孔子所與傾蓋而語者也

即此子華亦是恒其人

鬼谷子

鬼谷子戰國時隱居顏川陽城之鬼谷因以自號蘇秦張儀師之受縱橫之事

文子

文子稱墨子墨子稱吳起皆周安王昔人史記范蠡傳文子姓辛名妍文子其字也葵丘濮上人號曰計

然其書十一篇

鵝冠子

鵝冠子楚人居深山不顯名氏以鵝羽為冠因自號焉學問篇稱賤生於無所用中流失船一壺千金

鄧析子

鄭人鄧析所著無厚薄辭二篇其言皆嚴酷督責之行韓非李斯之徒也

慎子

慎到與鄧析韓非之流並稱到雖刑名家然其言有

中理者非若彼之深刻也

公孫龍子

公孫龍為白馬指物通變堅白之論枝蔓繁複累數

千言

尹文子

尹文子劉向定為刑名家書仲長統分為上下二篇且以劉向論為誣然向謂為刑名家者誠是也特善於鄧析田駢者耳

尉繚子

射繚子二十三篇射繚子或曰梁人以其有惠王問
答語也孫吳之書與射繚子一術

鄒衍

史記齊有三鄒子其前鄒忌以鼓琴干威王因及國
政封爲成侯而受相印先孟子其次騶衍後孟子騶
衍睹有國者益滯侈不能尚德若大雅整之於身施
及黎庶矣乃深觀陰陽消息而作怪迂之變終始大
聖之篇十餘萬言其語闕大不經必先驗小物推而
大之至於無垠先立今以上至黃帝學者所共術大

竝世盛衰因載其譏祥度制推而遠之至天地未生
窈冥不可考而原也先列中國名山大川通谷禽獸
水土所殖物類所珍因而推之及海外人之所不能
睹稱引天地剖判以來五德轉移治各有宜而符應
若茲以爲儒者所謂中國者於天下乃八十一分居
其一分耳中國名曰赤縣神州赤縣神州內自有九
州禹之序九州是也不得爲州數中國外如赤縣神
州者九乃所謂九州也於是有裨海環之人民禽獸
莫得相通者如一區中者乃爲一州如此者九乃有

大瀛海環其外天地之際焉其術皆此類也然要其歸必止乎仁義節儉君臣上下六親之施始也濫耳王公大人初見其術懼然顧化其後不能行之是以騶千重於齊適梁惠王郊迎執賓主之禮適趙平原君側行襪席如燕昭王擁彗先驅請列弟子之座而受業築碣石宮身親往師之作主運其游諸侯見尊禮如此豈與仲尼菜色陳蔡孟軻困於齊梁同乎哉故武王以仁義伐紂而王伯夷餓不食周粟衛靈公問陳而孔子不答梁惠王謀欲攻趙孟軻稱大王去

見仲尼
孟軻所
也聖大賢

分此豈有意阿世俗苟合而已哉持方柄欲內圓鑿其能入乎或曰伊尹負鼎而勉湯以王百里奚飭牛車下而繆公用霸作先合然後引之大道騶衍其言雖不軌倘亦有牛鼎之意乎自騶衍與齊之稷下先生如淳于髡慎到環淵接子田駢騶奭之徒各著書言治亂之事以干世主豈可勝道哉


甲子之...

林惠...

丁一史纂

卷一

九十七止



Faint vertical text impressions, likely bleed-through from the reverse side of the page, including characters like '日本府立図書館' and '九十七止'.

Left page of the book, mostly blank with some faint impressions and a small red square mark near the top center.

